

易

林

冊

一



易
林

四部備要

子部

上海中華書局據士禮居

校宋本校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

焦氏易林序

東萊人費直字長翁

六十四卦變者占王莽時建信天水焦延壽之撰也夫易者廣矣大矣以言乎遠則不禦以言乎邇則靜而正以言乎天地之間則備矣然易者謂六十四卦也推此言之則繇文說卦之所未盡也故連山歸藏周易皆異辭而共卦雖三家並行猶舉一隅耳贛善於陰陽復造此以致易未見者其射存亡吉凶遇其事類則多中至於糜碎小事非其事類則亦否矣贛云通達隱幾聖人之一隅也延壽獨得隱士之說後漢書京房傳云房明治易事梁人焦延壽字贛貧少以好學得幸梁王王供其資令掾意學既成爲郡吏察舉補小黃令以伺候先知奸邪盜賊不得發愛養吏民化行縣中舉最當遷三老官屬上書願留贛有詔許增秩留卒於小黃令贛嘗曰得我道以亡身者京生也其說長於災變分六十四卦更直日用事以風雨寒溫爲候各有占驗房用之尤精孟康曰分卦直日法一爻主一日六十卦爲三百六十日餘四卦震離兌坎爲方伯監司之官所以用震離兌坎者是二至二分用事之日又是四時各專主之氣各

卦上一日其占法各以其日觀善惡也

漢焦小黃周易變卦筮敘

靈越五雲谿王俞

大凡在變化象數之中者莫逃乎易唯人之情爲最
曰難知繫稱卜筮尚占憂患興慮彼山上有火明入
地中周孔之情絲是觀變自三古以降雜說歧分矧
卜筮多門亡羊殆盡雖京郭中奇然皆不免其身夫
自知知人乃曰明哲則隗炤易數於龔使焦贛發誠
於君明炤旣沒不顯其占贛明且哲乃留其術俞巖
耕東鄙自前困蒙客有枉駕蓬廬以焦辭數軸相示
俞嘗讀班史列傳及歷代名儒系譜諸家雜說之文
咸稱自夫子授易於商瞿僅逾十輩延壽傳經於孟
喜固是同時當西漢元成之間凌夷厥政先生乃或
出或處外比苞蒙輒以易道上干梁王遂爲郡察舉
詔補小黃令而邑中隱伏之事皆預知其情得以尤
異當遷尋亦卒於官次所著大易通變其卦總四千
九十六題事本彌綸同歸簡易其辭假出於經史其
意雅合於神祇但率潔精專事無不中而言近意遠
易識難詳不可瀆蒙以爲辭費後之好事如君山者
則子雲之書爲不朽矣以聖唐會昌景寅歲周正五

日敘

焦林直日

六十卦每卦直六日共直三百六十日餘四卦各

寄直一日

立春 雨水三十日五卦每卦直六日

小過 蒙 益 漸 泰

驚蟄 春分 春分 震卦直一日

需 隨 晉 解 大壯

清明 穀雨

豫 訟 蠱 革 夬

立夏 小滿

旅 師 比 小畜 乾

芒種 夏至 夏至 離卦直一日

大有 家人 井 咸 姤

小暑 大暑

鼎 豐 渙 履 遯

立秋 處暑

恆 節 同人 損 否

白露 秋分 秋分 兌卦直一日

巽 萃 大畜 賁 觀

易

林序

一一中華書局聚

寒露 霜降

歸妹 无妄 明夷 困 剝

立冬 小雪

艮 既濟 噬嗑 大過 坤

大雪 冬至 坎卦直一日

未濟 蹇 頤 中孚 復

從大雪後將坎卦入數斷從立冬後四十五

日係王相不斷

小寒 大寒

屯 謙 睽 升 臨

每兩節氣共三十日管五卦逐日終而復始排定一卦相次管六日凡卜看本日得何卦便於本日卦內尋所卜得卦看凶吉

易林卷第一

二二二乾下乾上乾

道陟石阪胡言連蹇譯瘖且聾莫使道通請謁不行求事無功

陟升也連按禮韻讀上聲傲慢不前之貌蹇難也譯傳言通夷夏之言轉告之也

之坤

招禍來螫害我邦國病在手足不得安息

無註

屯

陽孤亢極多所恨惑車傾蓋亡身常憂惶乃得其願雌雄相從

陽孤亢極易乾卦上九亢龍有悔

蒙

鵠鵠鳴鳩專一無尤君子是則長受嘉福
鵠鵠即布穀鳥也

需

目矐足動喜如其願舉家蒙寵
矐目動貌漢書眼矐得酒肉

訟

易

龍馬上山絕無水泉喉唯脣乾舌不能言
無註

師

倉盈庾億宜稼黍稷國家富有民人蕃息
無註

比

中夜狗吠盜在牆外神明祐助銷散皆去
無註

小畜

据斗運樞順天無憂與樂並居
無註

履

空拳握手倒地更起富饒豐衍快樂無已
無註

泰

不風不雨白日皎皎宜出驅馳通利大道
無註

否

戴日精光驂駕六龍祿命徹天封為燕王
無註

同人

子號索哺母行求食反見空巢訾我長息

無註

大有

上帝之生福祐日成修德行惠樂安且寧

無註

謙

山險難登澗中多石車馳轄擊載重傷軸儋負善

躓跌踈右足

無註

豫

禹鑿龍門通利水源東注滄海民得安存

龍門按書禹貢屬雍州在今馮翊夏陽縣以下

皆言禹治水之功

隨

乘龍上天兩虵為輔踊躍雲中遊觀滄海安樂長

處

無註

蠱

彭祖九子據得不殆南山松柏長受嘉福

易

林卷一

二一中華書局聚

珍做宋版印

彭祖堯時人好和滋味進雉羹于堯堯享之而錫以壽考至八伯歲九子未詳詩云如南山之壽

臨

南山昊天刺政關身疾悲無辜背憎為仇

詩小雅節南山云節彼南山又曰不弔昊天又曰昊天不平此詩家父所作刺周王用尹氏為太師秉國之均不能毗輔天子用威虐政以召禍亂民所憎惡甚於仇讐也

觀

江河淮海天之奧府衆利所聚可以饒有樂我君子百福是受

無註

噬嗑

堅冰黃鳥啼哀悲愁不見甘粒但觀藜蒿數驚鷲鳥為我心憂

無註

賁

室如懸磬既危且殆蚤見之士依山處谷

室如懸磬出左傳僖公二十六年註云如而也

剝 野物未成故言居室而資糧縣盡也

大禹式路蚩尤除道周匝萬里不危不殆見其所使無所不在

大禹夏禹姒姓蚩尤軒轅時人

復

酒 三人為旅俱歸北海入門昇堂拜謁王母勞賜我

周穆王宴王母于瑤池 又漢武內傳西王母

以七月七日降帝命侍女索桃須與以玉盤盛桃七枚大如鴨卵形圓色青以呈王母母以五

枚與帝

无妄

傳言相誤非干徑路鳴鼓逐狐不知迹處

無註

大畜

二羊爭雌相逐奔馳終日不食精氣勞疲

無註

頤

純服黃裳戴上與與德義以生天下歸仁

易

林 卷一

三一中華書局聚

純服色不雜也易坤卦六五黃裳元吉文在中也

大過

桀跖並處人民勞苦雍兵荷糧戰於齊魯

桀夏桀跖盜跖

離

胎生孚乳長息成就充滿帝室家國昌富

無註

坎

黃鳥采葦既嫁不答念我父兄思復邦國

詩小雅黃鳥篇黃鳥黃鳥無啄我粟此邦之人

不我肯穀言旋言歸復我邦族

咸

三人求橘反得丹穴女貴以富黃金百鎰

註未詳

恆

東山西岳會合俱食百家送從以成恩福

無註

遯

弱雞無距與鵠交鬪翅折目盲為鳩所傷

無註

大壯

隙大牆壞蠹衆木折狼虎爲政天降罪罰高弒望夷胡亥以斃

秦二世無道丞相趙高專權弒二世于望夷宮胡亥二世名

晉

三癡俱走迷路失道或不知歸反入患口註未詳

明夷

弓矢俱張弮彈折弦丸發不至道遇害患無註

家人

三女求夫伺候山隅不見復關長思歎憂詩氓篇刺淫泆也云不見復關泣涕漣漣復關男子之所居也不敢顯言其人故託言之耳

睽

陽旱炎炎傷害禾穀稽人無食耕夫歎息

無註

蹇

易

一珍做宋版印

騎狔逐羊不見所望經涉虎穴亡羊失羔一本云
亡羝失羊

無註

解

闇昧冥語轉相註誤鬼魅所舍誰知臥處

無註

損

姬姜祥淑二人偶食論仁議福以安王室

姬周公曰姜太公望二人同心以輔周室

益

公孫駕驪載眇東齊延陵說產遺季紵衣

左傳鄭大夫子產吳公子季札嘗聘鄭與子產

相得子產以紵衣獻季札

夫

孤竹之墟失婦亡夫傷於蒺藜不見少妻東郭棠

姜武氏以亡

孤竹國名易繇曰困于石據于蒺藜入于其宮

不見其妻凶棠姜齊棠公之妻東郭偃之姊也

武氏崔武子杼見左傳

溝

仁政不暴鳳凰來舍四時順節民安其處
無註

萃

任劣力薄鴛孱恐怯如狷見鵠不敢拒格

史記龜策傳云蝟辱於鵠郭璞曰蝟能制虎見
鵠仰地淮南畢萬曰鵠令蝟反腹者蝟憎其意
而心惡之也

升

衛侯東遊惑於少姬亡我考妣久迷不來

註未詳

困

樽樽所言莫知我垣歡喜堅固可以長安

無註

井

鸞鳴岐山龜應幽淵男女構精萬物化生文王以
成爲周開庭

鸞鳳類文王之時鳳鳴于岐山大禹之時龜出

于洛水

革

玄黃虺隤行者勞疲役夫憔悴踰時不歸

易

林卷一

五中華書局聚

詩卷耳篇陟彼高岡我馬玄黃又曰陟彼崔嵬我馬虺隤又云我僕痡矣云何吁矣

鼎

弱足剛跟不利出門市賈無利折亡為患

無註

震

懸桓素饗居非其官失輿剝廬休坐徙居

詩伐檀篇云胡瞻爾庭有縣貍兮彼君子兮不素餐兮貍貉類饗當作餐易剝卦上九君子得輿小人剝廬

艮

民怯城惡姦人所伏寇賊大至入我郭郭妻子俘

獲

按春秋傳成公九年楚子重自陳伐莒圍渠丘渠丘城惡楚遂入渠丘

漸

陽低頭陰回首水為災傷我足進不利難生子

無註

歸妹

背北相憎心意不同如火與金

詩十月之交卒章云噂沓背憎註云多言以相
悅背則相憎也

豐

太徽帝室黃帝所宜蕃屏周衛不可得入常安無
患

徽當作微大徽帝座星也

旅

蠶栗犧牲敬享鬼神嗜飲食受福多孫

按內則祭天地之牛角蠶栗

巽

出門逢惡與禍爲怨更相擊刺傷我手端

無註

兌

鷓飛中退舉事不遂衆人亂潰

春秋僖公十六年正月六鷓退飛過宋都二十

二年十一月宋公及楚人戰于泓宋師敗績

渙

跛躄相隨日暮牛罷陵遲後旅失利亡雌

無註

節

易

龍角博預位至公卿世祿久長起動安寧

古者公卿有功于國家子孫世享其祿故孟子

曰仕者世祿龍角博預未詳或曰星名

中孚

舜升大禹石夷之野徵詣王庭拜治水土

書帝曰咨禹汝平水土惟時懋哉石夷未詳

小過

從風放火苾芝俱死二害集房叔子中傷

三害未詳

既濟

梗生荆山命制輸班袍衣剝脫夏熱冬寒飢餓枯

槁莫人震憐

荆山多產異材班公輸子魯班也

未濟

長面大鼻來解己憂遺吾福子與我惠妻惠吾嘉

喜

無註

坤下坤上坤

不風不雨白日皎皎宜出驅馳通利大道

無註

之乾

谷風布氣萬物出生萌庶長養華葉茂成

按詩谷風篇習習谷風以陰以雨註云東風謂之谷風以其長養萬物也

屯

蒼龍單獨與石相觸摧折兩角家室不足

無註

蒙

城上有烏自名破家招呼酖毒為國患災

無註

需

霜降閉戶蟄虫隱處不見日月與死為伍

無註

訟

天之德室溫仁受福衣裳所在凶惡不起

無註

師

皇階九重絕不可登未見王公謂天蓋高

無註

比

易

林 卷一

七 中華書局聚

孔德如玉出於幽谷升高鼓翼輝光照國

無註

小畜

五軌四軌復得饒有陳力就列騶虞悅喜

按詩召南騶虞仁獸名白虎黑文不食生物者也

履

四足無角君子所服南征述職以惠我國

無註

泰

雷行相逐無有攸息戰于平陸為夷所覆 又云

弊筍在梁 逸不榮漁父 苦連空口乾

按詩做筍在梁註云做壞筍罟也梁魚梁詩人以做筍不能制大魚為比

否

六龍爭極服在下飾謹慎管籥結禁毋出

無註

同人

長男少女相向共語福祿歡喜

無註

大有

奸延惡人使德不通炎火為殃年穀大傷

無註

謙

脩其翰翼隨風向北至虞夏國與舜相得年歲大

樂邑無盜賊

虞夏舜禹有天下之號也

豫

鉛刀攻玉堅不可得盡我筋力抵璽為疾

無註

隨

舉被覆目不見日月衣衾簠簋就長夜室

吳夫差羞見子胥為悞冒乃死

蠱

賊仁傷德天怒不福斬刈宗社失其邦域

無註

臨

白龍赤虎戰鬪俱怒蚩尤敗走死於魚口

史記正義曰河圖龍魚云黃帝攝政有蚩尤兄

弟八十一人獸身人語銅鐵額能作大霧食沙

易

林卷一

八一中華書局聚

造五兵威震天下誅殺無道萬民欽命黃帝行
以仁義不能禁止乃仰天而歎天遣玄女下授
黃帝兵符與蚩尤戰於涿鹿之野遂命殺之此
言魚口未詳

觀

北辰紫宮衣冠立中含和建德常受天福

北辰北極天之樞也紫宮即紫微

噬嗑

稷為堯使西見王母拜請百福賜我善子

稷后稷為堯帝臣教民稼穡後至文武而有天
下

賁

三人異趨反覆迷惑一身五心亂無所得

無註

剝

南山大獲盜我媚妾怯不敢逐退然獨宿

獲居縛切狙也又曰大猿

復

衆鬼所趨反作大怪九身無頭魂驚魄去不可以
居

未詳

无妄

延頸遠望眊為目疾不見叔姬使伯心憂

無註

大畜

典策法書藏在蘭臺雖遭亂潰獨不遇災

漢官儀御史臺內掌蘭臺秘書

頤

自衛反魯時不我與冰炭異室仁道隔塞

孔子周流四方不遇自衛反魯遂刪詩定書

大過

瘤癭秃疥為身瘡害病疾癘殘常不遠逮

無註

坎

齊東郭盧嫁我洛都俊良美好媒利過倍

棠姜齊棠公之妻東郭偃之姊也

離

齊魯爭言戰於龍門構怨連禍三世不安

按春秋魯成公二年春齊侯伐我北鄙圍龍頤

公之嬖人盧蒲就魁門焉龍人囚之齊侯親鼓

易

林卷一

九一中華書局聚

三日取龍

咸

芳澤肥壤農人豐敵利居長安歷世無患

無註

恆

倉盈庾億宜種黍稷年豐歲熟民得安息

詩楚茨篇我倉既盈我庾維億

遯

鷓鴣破斧邦人危殆賴其忠德轉禍為福負危復

立

鷓鴣破斧皆詩豳風篇名言周公之事誅管蔡

以安周室

大壯

歲飢無年虐政害民乾溪驪山秦楚結冤

昭公十二年楚靈王被弑于乾溪史記秦始皇

造作驪山

晉

樹挈累累締結難解媼母衙嫁媒不得坐自為身

禍

樹挈一作樹挈見蒙之比其義未詳媼母黃帝

次妃貌醜而賢，當作佞。

明夷

嘗陬開門，鵠鳴，彈冠。章甫進用，舞韶和鸞，三人翼事國，無災患。

章甫，冠名。舞韶，樂名。和鸞，皆鈴也。在軾曰和在，鑣曰鸞車馬之飾也。嘗陬開門，未詳。

家人

弟姊合居，與類相扶，願慕羣醜，不離其處。
無註

睽

邯鄲反言，兄弟生患。涉叔憂恨，卒死不還。

涉叔，即陳涉。涉嘗令陳人武臣徇趙地。武臣到邯鄲，自立為趙。涉怒，捕繫武臣。家室後，因柱國之諫，遂立武臣為趙王。武臣終於背涉，竟死於莊賈之難。出陳涉傳。

蹇

三人逐兔，各爭有得。愛土善走，多獲鹿子。

無註

解

北辰紫宮衣冠，立中含。和建德常受天福。

易

林卷一

十一中華書局聚

損 北辰北極天之樞也紫宮即紫微

拜跪請免不得其哺俛首銜枝低頭北去

無註

益

鶴盜我珠逃於東隅求之郭墟不見所居

未詳

夫

一簧兩舌妄言謬語三姦成虎曾母投杼

一簧者即詩所謂巧言如簧兩舌言不一也會

母曾參之母人有言曾參殺人者曾母不信及

三人言之曾母投杼下機而走

姤

孤獨特處莫與為旅身日勞苦使布五穀陰陽順

序 又 伯虎仲熊德又四布

舜舉八元八愷有伯虎仲熊

萃

褰衣涉河澗流浚多賴遇舟子濟脫無他

無註

升

憑河登山道里阻難求事少便

無註

困

兔置之容不失其恭和謙致樂君子攸同

按詩傳云雖兔置之野人而其才之可用

井

三女求夫伺候山隅不見復關泣涕漣漣如

詩氓之篇云不見復關泣涕漣漣復關指男子

所居不敢顯名故託言之此詩刺淫泆也

革

螟蟲為賊害我黍穀中霽空虛家無所食

螟蟲食苗心者害苗之蟲也中霽月令云中室

也

鼎

望尚阿衡太宰周公藩屏輔弼福祿來同

望太公呂尚也阿衡伊尹也太宰官名周公為

太宰

震

三年生狗以戌為母荆夷上侵姬伯出走

注未詳

易

林卷一

十二中華書局聚

艮

塗過道塞求事不得

無註

漸

探懷得蚤無有凶憂所願失道善居漸好

無註

歸妹

飛樓屬道趾多攪垣居之不安覆壓為患

無註

豐

義不勝情以欲自傾幾利危寵折角摧頸

無註

旅

潼滄蔚蒼林木來會津液下降流潦霈霈

無註

巽

白駒生芻猗猗盛姝赫咍君子樂以忘憂

詩白駒篇生芻一束其人如玉

兌

車馳人趨卷甲相仇齊魯寇戰敗於犬丘

按春秋齊師侵魯戰于長勺車馳卒奔齊師敗績事見莊公十年春

渙

舉首望城不見子貞使我悔生

無註

節

龍鬪時門失理傷賢內畔外賊則生禍難

春秋昭公十九年鄭大水龍鬪于時門之外有淵國人請爲禳焉子產弗許曰我鬪龍不我覲也龍鬪我獨何覲焉禳之則彼室也吾無求於龍龍亦無求於我乃止

中孚

安如太山福喜屢臻雖有豺虎不致危身

無註

小過

初憂後喜與福爲市入佾列陳飲御嘉友

八佾舞列也古者天子舞八佾

既濟

持刃操肉對酒不食夫行從軍小子入獄抱膝獨

宿

易

林卷一

十三中華書局聚

無註

未濟

陰衰老極陽建其德履離戴光天下昭明功業不長蝦蟆代王

未詳

二二二震下坎上屯

兵征大宛北出玉門與胡寇戰平城道西七日絕糧身幾不全

大宛國名玉門關名 冒頓單于圍漢高祖於

白登七日用陳平祕計厚遺闕氏說冒頓解圍之乾

汎汎柏舟流行不休耿耿寤寐心裏大憂仁不逢時復隱窮居

詩柏舟篇言仁而不遇也汎彼柏舟亦汎其流耿耿不寐如有隱憂

坤

采薪得麟大命隕顛豪雄爭名天下四分

未詳

蒙

山崩谷絕天福盡竭涇渭失紀玉歷既已

涇渭二水名

需

夏臺姜里湯文所厄鬼侯俞賄商王解舍

夏臺姜里皆獄名湯囚夏臺文王拘姜里

訟

泥滓汗辱棄捐溝瀆為衆笑笑然不顯錄

無註

師

李梅冬實國多盜賊擾亂並作君不能息

春秋魯僖公二十二年冬隕霜不殺草李梅實

公羊傳曰紀異也此祿去公室政在公子遂之

應

比

獐鹿逐牧飽歸其居反還次舍無有疾故

無註

小畜

夾河為婚期至無船搖心失望不見所歡

無註

履

百足俱行相輔為強二聖翼事王室寵光

易

林卷一

十一中華書局聚

三聖堯舜禹也

秦

坐立失處不能自居賊破王邑陰陽顛倒

無註

否

登几上輦駕駟南遊合從散衡燕齊以強

蘇秦主從張儀主衡秦事燕儀事秦按禮部韻

毛居正曰以六攻一為從以一離六為橫合之

曰從衡

同人

三孫荷弩無益於輔城弱不守邦君受討

三孫魯大夫孟孫叔孫季孫也昭公二十五年

九月伐季氏三家反攻公公遜于齊次於陽州

大有

河伯大呼津不可渡船空無人往來亦難

援神契云河者水之伯河伯水神

謙

甘露醴泉太平機關仁德感應歲樂民安

瑞應圖王者德至於天和氣感則甘露降于松

柏六帖云醴泉美泉也水之精太平則出出則

其政和平堯之時德茂清平則出

豫

重茵厚席循臯采藿雖躡不懼反復其處猿墮高木不踳手足還歸其室保我金玉

踳音澗

隨

太一駕騶從天上來徵我叔季封為魯侯
大乙星名成王封周公之子伯禽於魯

蠱

南巴六安石解戟天所指不已耄老復丁弊室舊墟更為新家

無註

臨

家給人足頌聲並作四夷賓伏于戈韜閣

書四夷來賓此言武王偃干戈事

觀

東鄰嫁女為王如后莊公築館以尊王母歸于京師季姜說喜

春秋魯莊公元年王姬下嫁於齊命同姓諸侯主之魯以姬姓故築館而迎之冬王姬歸于齊

易

林卷一

古一中華書局聚

桓公九年春紀季姜歸于京師為桓王后

噬嗑

陳妻敬仲北興齊姜營丘是適八世大昌

按春秋傳陳嬀姓敬仲即陳公子完魯莊公二十二年奔齊使為工正初懿氏卜妻敬仲曰有嬀之後將育于姜八世之後莫之與京姜齊姓營丘齊所封之地

賁

路多枳棘步刺我足不利旅客為心作毒

無註

剝

天宮列宿五神共舍宮闕光堅君安其居

無註

復

牧羊稻園聞虎呻喧懼畏惕息終無禍患

無註

无妄

鳴條之圖北奔犬胡左衽為長國號匈奴主君旄頭立尊單于

樂彥括地譜云夏桀無道湯放之鳴條二年而

死其子葷粥妻桀之衆妾避居北野隨畜移徙
中國謂之匈奴單于者廣大之貌尊稱之也

大畜

剋身潔己逢禹巡守錫我玄珪拜受福祐

書禹貢云禹錫玄圭告厥成功言水土既平禹
以玄圭為贄而告成功于舜也水色黑故圭以
玄云

頤

冬華不食國多盜賊疾病難醫鬼哭其室

無註

大過

襄送季女至于蕩道齊子曰夕留連久處

季女齊子齊襄公妹魯桓公夫人也桓公十八
年公與夫人姜氏如齊詩云魯道有蕩齊子庸
止

坎

朽根倒樹花葉落去卒逢火焱隨風偃仆

焱音焰

離

陰變為陽女化作男治道得通君臣相承

易

林卷一

五中華書局聚

無註

咸

炎絕續光火滅復明簡易理得以成乾功
易繫辭易簡而天下之理得矣

恆

多載重負捐棄於野予母誰子但自勞苦

無註

遯

江河海澤衆利室宅可以富有飲御嘉客

無註

大壯

冬採薇蘭地凍堅拆利走室北暮母所得

詩小雅採薇篇採薇採薇薇亦作止曰歸曰歸

歲亦莫止

晉

烏鳴嚶嚶天火將起燔我館屋災及姬后

按春秋襄公三十年夏五月或叫于宋太廟曰

嚶嚶出出烏鳴于亳社如曰嚶嚶甲午宋大災

宋伯姬卒

明夷

蠶室蜂戶螫我手足不可進取爲身害速 一二云

蠶螫我足蜂螫我手

蠶蜂屬螫蟲也蠶丑邁切螫音釋

家人

崔嵬北岳天神貴客温人正直主布恩德開衣不
已蒙受大祿

崔嵬高峻貌周禮并州其山鎮曰恆山唐天文
大梁析木其神主於恆山辰星出焉謂之北嶽

睽

伯蹇叔盲莫爲守床失我衣裘伐民除鄉

無註

蹇

爲季求婦家在東海水長無船不見所權

無註

解

山陵丘墓魂魄室舍精誠盡竭長寢不覺

無註

損

騎牛折角下山傷軸失其利祿

無註

易

林卷一

六中華書局聚

益

水載舟船無根以浮往來濟濟心勞且憂

無註

夬

有鳥來飛集于宮樹鳴聲可惡主將出去

無註

姤

東徙不時觸患離憂井泥無濡思叔舊居

周易曰井泥不食舊井無禽

萃

黃帝所生宓羲之字兵刃不至利以居止

宓羲都於陳黃帝有熊國君少典之子有熊即

今河南新鄭是也

升

東山救亂處婦思夫勞我君子役無休已

東山周公東征之詩處婦思夫詩曰鸛鳴于垤

婦歎于室

困

跛躓未起先利後市不得鹿子

無註

井

大蛇當路使季畏懼湯火之災切近我膚賴其天幸趨于王廬

漢高祖字季嘗被酒夜徑澤中有大蛇當道高祖拔劍斬之

震

從容常閑遊戲南山拜祠禱神使神無患

無註

鼎

區脫康居慕義入朝湛露之權三爵畢恩後歸野廬與母相扶

區脫與甌脫同土室也胡人候望處出匈奴傳康居國名湛露天子燕諸侯之詩

革

魚鱉列市河海饒有長錢善價商李悅喜

無註

艮

年常蒙慶今歲受福二夫採葩出必有得

無註

漸

易

二人俱東道怒爭訟意乖不同使君怙怙
無註

歸妹

樹我藿豆鹿兔為食君不恤護秋無收入

無註

豐

黃鳥悲鳴愁不見星因於鷲鳥鷓使我驚

無註

旅

雙鳧懼飛欲歸稻食經涉萑澤為矢所射傷我胸

臆

無註

巽

久客無依思歸我鄉雷雨盛溢道未得通

無註

兌

道路辟除南至東遼衛子善辭使國無憂

未詳

渙

同枕同袍中年相知少賈無失獨居愁思

無註

節

衆神集聚相與議語南國虐亂百姓愁苦興師征討更立賢主

未詳

中孚

北陸閉蟄隱伏不出目盲耳聾道路不通

左傳古者日在北陸而藏冰註陸道也謂夏十二月日在虛危冰堅而藏之

小過

癡狂妄作心狂善惑迷行失路不知南北

無註

既濟

棟隆強輔寵貴日光福善並作樂以高明

易大過九四棟隆吉象曰棟隆之吉不撓于下也

未濟

愛我嬰女牽衣不與冀幸高貴反日賤下

無註

二三二坎下艮上蒙

易

林卷一

六一中華書局聚

何草不黃至未盡玄室家分離悲憂於心

詩何草不黃刺幽王也四夷交侵中國背叛君

子憂之故作是詩也曰何草不黃何日不行何

人不將經營四方又云何草不玄何人不矜哀

我征夫獨為匪民

之乾

海為水王聰聖且明百流歸德無有叛逆常饒優

足

書禹貢云江漢朝宗于海註曰猶諸侯之朝宗

于王也

坤

天之所為禍不過家一二云左輔右弼金玉滿堂常

盈不亡富如敖倉

無註

屯

安息康居異國穹廬非吾習俗使我心憂

安息康居皆外國名穹廬其室也

需

范公鷗夷善賈飾資東之營丘易字子皮把珠戴

金多得利歸

按史范蠡去越乘舟裝其輕寶珠玉浮海出齊
變姓名自號鴟夷子皮善營產業以致巨富

訟

老楊日衰條多枯枝爵級不進遂下摧墮

無註

師

小狐渡水汚濡其尾利得無幾與道合契

孤當作狐易未濟亨小狐汔濟濡其尾无攸利

比

豕生魚魴鼠舞庭堂奸佞施毒上下昏荒君失其

國

無註

小畜

天地配享六位光明陰陽順敘以成和平

易乾卦彖曰六位時成

履

蹀踵足傷右足病擁失旅後時利走不來

無註

泰

異體殊患各有所屬西鄰孤嫗欲寄我室王母罵

易

林卷一

九一中華書局聚

言求不可得

無註

否

操稻鄉畝折貨稷黍飲食充口安利無咎

無註

同人

所受大喜福祿重來樂且日富豪慶得財

無註

大有

舉盃飲酒無益温寒指直失取亡利不歡

無註

謙

日月相望光明盛昌二聖茂承功德大隆

三聖堯舜禹也

豫

猾夫爭強民去其鄉公孫叔子戰於瀟湘

未詳

隨

後墮高木不踐手足還歸其室保我金玉

踐音漚

豔

逐狐東山水渴我前深不可涉失利後便

無註

臨

鑿井求玉非卞氏寶名因身辱勞無所得

因當作困卞和獻玉璞於楚懷王

觀

黃玉溫厚君子所服甘露溥暑萬物生茂

財貨源云玉天地之精也黃中正色君子在位

之稱又瑞應圖王者德至於天和氣感則甘露

降于松柏

噬嗑

畫龍頭頸文章不成甘言善語說辭無名

無註

賁

招禍致凶來弊我邦病在手足不得安息

無註

剝

履位乘勢靡有絕斃皆為隸圍與眾庶位

齊人有言曰雖有智慧不如乘勢

復

獐鹿雉兔羣聚東園盧黃白脊俱往趨逐九齟十
得君子有喜

齟仕革切齧也

无妄

織錦未成緯盡無名長子逐兔鹿起失路後利不
得因無所據

無註

大畜

天厭周德命與仁國以禮靜民兵革休息

無註

頤

重譯賀芝來除我憂善說遂良與喜相求

漢武帝元封元年甘泉宮產芝九莖連葉乃作
芝房之歌以薦郊廟也

大過

膏壤肥澤人民孔樂宜利居止長安富貴

無註

坎

白龍黑虎起鬣暴怒戰於涿鹿蚩尤敗走居止不

殆君安其所

正義曰河圖龍魚云黃帝攝政有蚩尤兄弟八十一人獸身人語銅鐵額能作大霧食沙造五兵威震天下誅殺無道萬民欽命黃帝行以仁義不能禁止乃仰天而歎天遣玄女下授黃帝兵符與蚩尤戰於涿鹿之野遂禽殺之

離

抱關傳語聾跛摧殆衆賤無下災殃所在

無註

咸

憂禍解除喜至慶來坐立歡門與樂爲鄰

無註

恆

折鋒戴及輦馬放休行軍依營天下安寧

無註

遁

至德之君仁政且溫伊呂股肱國富民安

湯舉伊尹文王舉呂望相與輔治以安天下

大壯

千里望城不見山青老兔蝦蟆遠絕無家

易

林卷一

三一中華書局聚

老兔月中玉兔蝦蟇月中蟾蜍

一珍做宋版印

晉

有莘季女爲夏妣后貴夫壽子母字四海

按本紀鯀取有莘氏女謂之女志是生高密宋
衷云高密禹所封之國

明夷

不虞之患禍至無門奄忽暴卒痛傷我心

無註

家人

飛鷹退去不食鄰鳥憂患解除主君安居

無註

睽

陞差側跌申酉爲崇亥戌滅明顏子隱藏

未詳

蹇

司祿憑怒謀議無道商氏失政殷人乏祀

商紂無道武王伐之封紂子武庚命三叔監殷
武王崩成王立三監以武庚叛周公東征討之

遂乏祀焉

解

望雞得雉冀馬獲駒大德生少有瘳從居

無註

損

切切怛怛如將不活黍稷之恩靈輒以存

左傳晉靈公不君趙盾諫公患之飲盾酒伏甲將攻之初盾田舍于翳桑見靈輒病不食三日盾食之爲簞食而與之旣而與爲公介倒戟以禦公徒而免之問何故對曰翳桑之餓人也不告名而退

益

莫莫輯輯夜作晝匿謀議我資求攻我室空盡以財幾無以食

無註

夬

天之所壞不可強支衆口指笑雖貴必危

無註

姤

目動睫矐喜來加身舉家蒙歡吉利無殃矐目動貌漢書眼矐得酒肉

萃

易

龜羹芬薌染指弗嘗口飢於手子公恨饒
楚人獻龜於鄭靈公子公食指動以示子家曰
他日我如此必嘗異味宰夫解龜而笑公問之
子家以告召子公而弗與子公怒染指於鼎嘗
之出春秋傳

升

天福所豐兆如飛龍成子得志六二以興
陳成子得政於齊乃敬仲八世孫

困

氓伯易絲抱布自煤棄禮急情卒離悔憂
詩氓之篇云抱布貿絲匪來貿絲來即我謀

井

三人為旅俱歸北海入門上堂拜謁王母勞賜我
酒歡樂無疆

無註

革

愆淫旱疾傷害稼穡喪制病來農人無食

無註

鼎

攫飯把肉以就口食萬往必得無有虛乏

無註

震

夏姬親附心聽悅喜利以搏取無言不許

左傳成公七年夏姬鄭穆公女陳大夫御叔妻
巫臣嘗止子反取夏姬

艮

南山昊天刺政閔身疾悲無辜背憎為仇

詩小雅節南山云節彼南山又曰不弔昊天又
曰昊天不平此詩家父所作刺周王用尹氏為
太師秉國之均不能毗輔天子用威虐政以召
禍亂民所憎惡甚於仇讐也

漸

鳥飛無翼兔走折足雖欲會同未得所欲

無註

歸妹

體重飛難未能踰關不離室垣

無註

豐

四雄並處人民愁苦擁兵西東不得安所

無註

易

林卷一

三三中華書局聚

旅

重驛關牢求解已憂心惑乃成與喜俱居

無註

巽

患解憂除皇母相於與喜俱來使我安居

無註

兌

冬生不華老女無家霜冷蓬室更為枯株

無註

渙

震慄恐懼多所畏惡行道留難不可以步

無註

節

三人共妻莫適為雌子無名氏公不可知

無註

中孚

草彫被霜花葉不長非時為落家受其殃

無註

小過

雉兔之東狼虎所從貪叨凶惡不可止息

無註

既濟

馬驚車破主墮深溝身死魂去離其室廬

無註

未濟

山林麓藪非人所處鳥獸無禮使我心苦

無註

易林卷第一

易林卷第二

二二二乾下坎上需

久旱三年草木不生粢盛空乏無以供靈

說文粢盛黍稷在器中以祀者也

之乾

火滅復息君明其德仁人可遇身受利福

無註

坤

溫山松柏常茂不落鸞鳳以庇得其歡樂

無註

屯

西誅不復恃強負力倍道趨敵師徒敗覆

按史記楚項梁西擊秦破章邯引兵至定陶再

破秦軍項羽沛公大破秦兵於雍斬李由梁益

輕秦有驕色宋義諫弗聽秦悉起兵益章邯擊

楚軍大破之定陶項梁死焉

蒙

三塗五嶽陽城太室神明所伏獨無兵革

三塗山名在河南伊闕縣陽城山谷名在嵩山

下太室山名

認

二牛生狗以戌為母荆夷上侵姬伯出走

二牛一作三年一作三馬生駒見否之姤

師

鳧遊江海役行千里以為死亡復見空素長主凶

憂

無註

比

太一駕騶從天上求徵召叔季封為魯侯無有凶

憂

太乙星名成王封周公之子伯禽於魯

小畜

絀績獨居寡處無夫陰陽失忘為人僕使

無註

履

兵征大宛北出玉門與胡寇戰平城道西七日絕

糧身幾不全

大宛國名玉門關名 冒頓單于圍漢高祖於

白登七日用陳平祕計厚遺闕氏說冒頓解圍

泰

楚靈暴虐罷極民力禍起乾谿弃疾作毒扶伏奔
逃死申亥室

楚靈王汰侈已甚成章華之臺至狩于州來次
于乾谿公子比作亂遂縊于芋尹申亥氏

否

雌單獨居歸其本巢毛羽憔悴志如死灰

無註

同人

兩矛相刺勇力鈞敵交綏結和不破不缺

無註

大有

乘船渡濟載水逢火賴幸免患蒙我生全

無註

謙

喪寵溢尤政傾家覆我宗失國秦滅周室

無註

豫

冬無藏冰春陽不通陰流為賊國被其殃

無註

隨

易

林卷二

中華書局聚

田鼠野雞意常欲逃拘制籠檻不得動搖

無註

蟲豔

佩玉藥兮無所繫之旨酒一盛莫與笑語孤寡獨

特常愁憂苦

無註

臨

沒遊原口求鮫為寶家危自懼復出生道

無註

觀

河水孔穴壞敗我室水深無岸魚驚傾側

無註

噬嗑

教羊牧兔使魚相捕任非其人費日無功

無註

賁

升戶入室就温燠食水凍北陸不能相賊

無註

剝

孤竹之墟老婦無夫傷於蒺藜不見少妻東郭棠

姜武氏破亡

孤竹國名易繇曰困于石據于蒺藜入于其宮
不見其妻凶棠姜齊棠公之妻東郭偃之姊也
武氏崔武子杼見左傳

復

凶憂災殃日益明章福不可釐三郤痍傷

按春秋三郤晉大夫郤錡郤犇郤至成公十七
年晉厲公侈多外嬖欲盡去羣大夫而立其左
右遂殺三郤

无妄

戴璧秉珪請命于河周公作誓冲人瘳愈

初成王少時病周公乃自揃其蚤沈之河以祝
於神曰王少未有識奸神命者乃旦也王病有
瘳見史記

大畜

鳥升鵠舉照臨東海龙降庭堅為陶叔後封圻英
六履祿綏厚

龙降庭堅皆顛頤之後即舜舉八愷之列

頤

危坐至暮請求不得膏澤不降政戾民忒

易

林卷一

三一中華書局聚

無註

大過

宜昌娶婦東家歌舞燕樂有序長樂嘉喜

無註

坎

鑿井求玉非卞和寶名困身辱勞無所得

楚卞和得玉獻懷王王以為欺刖其一足懷王
死子平王立和復獻之王又以為欺刖其一足
平王死子荆王立和復獻之恐復見害乃抱其
璞而哭晝夜不止涕盡續之以血荆王遣問之
於是和隨使獻玉王使剖之中果得玉

離

鷓思其雄欲隨鳳東順理羽翼出次須日中留北

邑復反其室

無註

咸

早霜晚雪傷害禾麥損功弃力飢無所食

無註

恒

蝙蝠生子深目黑醜雖飾相就衆人莫取

蝙蝠即蝙蝠也又名仙鼠又名眼翼

遯

去如飛鴻避凶直東遂得全脫與福相逢

無註

大壯

婚姻合配同枕共牢以降嘉休子孫封侯

無註

晉

咸陽辰巳長安戌亥丘陵生止非魚鱗市不可辭

阻終无悔咎

無註

明夷

螟虫為賊害我五穀簞食空虛家無所食

螟食苗心者害苗之虫也

家人

謀恩拜德東歸吾國慷慨歡笑歡樂有福

無註

睽

齎貝贖狸不聽我辭繫於虎鬚牽不得來

無註

易

林卷二

四中華書局聚

蹇

比目附翼歡樂相得行止集周終不離忒

比目魚也附翼比翼鳥也

解

一指食肉口無所得染其鼎鼐舌饒於腹

左傳鄭公解鼈召子公而弗與子公怒染指於

鼎嘗之而出

損

曳綸江海釣挂魴鯉王孫利德以饗仲友

詩小雅六月篇我行永久飲御諸友魚鱉鱸鯉

侯誰在矣張仲孝友

益

商紂牧野顛敗所在賦斂重數黎元愁苦

牧野商郊武王伐紂戰于牧野敗紂師于此

夬

北辰紫宮衣冠中立含和建德常受天福

北辰北極天之樞也

姤

輕戰上勇不知兵權為敵所制從師北奔

無註

萃

大口宣唇神使仲言黃龍景星出應德門與福上天天下安昌

禹渡江黃龍負舟景星一名德星

升

凶子禍孫仗劍向門凶訟謹囂驚駭我家無註

困

祝伯善言能事鬼神拜辭萬歲使君延年

祝伯即祝鮀掌宗廟祭祀之官孔子稱其巧佞

革

昧日乘車履危陷溝亡失裙襦摧折兩軸

史記漢臨江王徵還京發車軸折

井

珪璧琮璋執贄見王百里甯越應聘齊秦

百里奚事秦甯越事齊

鼎

膠著木連不出牛攔斯享羔羊家室相安

無註

震

易

卷領遁世仁德不舍三聖攸同周國茂興

三聖大王王季文王也

艮

黍稷苗稻垂秀方造中旱不雨傷風枯槁

無註

漸

冠帶南遊與福喜逢期於嘉貞拜為公卿

無註

歸妹

一巢九子同公共母柔順利貞出入不殆福祿所

在

無註

豐

韓氏長女嫁於東海宜家富主柔順以居利得過

倍

無註未詳

旅

因禍受福喜盈我室所願必得

無註

巽

晉平有疾迎醫秦國病乃大患分爲二一豎逃匿膏
肓和不能愈

春秋成公十年春晉侯求醫於秦秦伯使醫緩
爲之未至公夢疾爲二豎子曰彼良醫也懼傷
我焉逃之其一曰居肓之上膏之下若我何醫
至曰疾不可爲也在肓之上膏之下攻之不可
達之不及藥不至焉不可爲也

兌

杜飛門啓患憂大解修福行善不爲身禍
修福行善一作去老乘馬見同人之夫

渙

追亡逐北至止而得稚叔相呼反其室廬

無註

節

鳥鳴廢端一呼三顛搖動東西危慄不安疾病無
患

無註

中孚

龍化爲虎太山之陽衆多從者莫敢收藏

無註

易

林卷一

六中華書局聚

小過

疾風忽起車馳揭揭奔名追亡失其和節憂心怵

揭起竭切怵竹律切

既濟

遊居石門祿安身全受福西鄰歸飲玉泉

石門地名論語云子路宿於石門

未濟

登高上山見王自言申理我讒得職蒙恩

無註

三三三坎下乾上訟

文巧俗弊將反大質僵死如麻流血濡齒皆知其

母不識其父干戈乃止

無註齒音魯

之乾

文王四乳仁愛篤厚子畜十男夭折無有

按韻府羣玉引淮南子云文王有四乳

坤

日入望東不見子家長女無夫左手搔頭

無註

屯

東上太山見堯自言申理我冤以解憂患

無註

蒙

奎軫溫湯過角宿房宣時布和無所不通

奎軫角房皆宿名

需

引船牽頭雖拘無憂王母善禱禍不成災

無註

師

鳧得水沒喜笑自啄毛羽悅懌利以攻玉公出不

復伯氏客宿

無註

比

水流趨下欲至東海求我所有買魴與鯉足關路

止

無註

小畜

獐鹿逐牧安飽其居反還次舍無有疾故

無註

易

林 卷一

七一中華書局聚

履

樹植藿豆不得芸鋤王事無鹽秋無所收

無註

泰

弱水之西有西王母生不知死與天相保

書弱水既西柳宗元曰西海之山有水散渙無

力不能負芥

否

數窮廓落困於歷室卒登玉堂與堯侑食

按史舜微時耕於歷山堯舉而任之加諸上位

同人

子鉏執麟春秋作元陰聖將終尼父悲心

左傳哀公十四年春西狩於大野叔孫氏之車

子鉏商獲麟孔子作春秋

大有

尹氏伯奇父子生離無罪被辜長舌所為

伯奇尹吉甫之子父娶後妻而譖伯奇於吉甫

父逐之言無罪而見逐皆後母長舌所為也

謙

蟠枝折枝與母別離九臯難扣絕不相知

無註

豫

弱雞無距與鵠格鬪翅折目盲為鳩所傷

無註

隨

甲乙丙丁俱歸我庭三丑六子入門見母

無註

蠱

桑葉螟蠹衣弊如絡女功不成絲布為玉

無註

臨

關牢闢門巡狩釋冤夏臺羸里湯文悅喜

湯囚夏臺文王拘羸里至後皆有天下

觀

欽明之德坐前玉食必保嘉美長受安福

無註

噬嗑

有 武夫司空多口爭訟金火當戶民不安處年飢無

無註

易

林 卷二

八一中華書局聚

賁

紫閣九重尊嚴在中黃帝堯舜履行至公冠帶垂裳天下康寧

無註

剝

負牛上山力劣行難烈風雨雪遮遏我前出道復還憂者自歡

無註

復

蹇兔缺唇行難齒寒口病不言為身生患

無註

无妄

合體比翼嘉偶相得與君同好使我有福

無註

大畜

口啄卒卒憂從中出喪我寶貝妻妾失位

無註

頤

兩心不同或從西東明論中日莫適相從

無註

大過

啞啞笑言與善飲食長樂行觴千秋起舞拜受大福

無註

坎

初憂後喜與福為市入佞列陳飲御嘉友
入佞舞列也古者天子舞入佞

離

西徙無家破其新車王孫失利不如止居

無註

咸

鳳凰在左麒麟處右仁聖相遇伊呂集聚時無殃
咎福為我母

無註

恒

甌脫康居慕仁入朝湛露之歡三爵畢恩復歸舊
廬

區脫與甌脫同土室也胡人候望處出匈奴傳
康居國名湛露天子燕諸侯之詩

遯

易

疾貧望幸使伯行販關牢擇羊多得大牂一二云疾
貧望幸賈販市井

無註

大壯

處高不傷雖危不亡握珠懷玉還歸其鄉

無註

晉

右手棄酒左手牧牂行逢禮御餌得玉杯

箕子言紂彼為象箸必為玉杯

明夷

養虎牧狼還自賊傷大勇小捷雖危不亡

無註

家人

戴堯扶禹從喬彭祖西過王母道路夷易無敢難

者

堯唐帝名禹奴姓喬王喬仙人彭祖堯時人壽

至八百

睽

秋冬探巢不得鵲鷄銜指北去塊我少姬

無註

蹇

兩羝三牂俱之代鄉留連多難損其食糧

無註

解

南徙無廬烏破其巢伐木思初不利動搖

無註

損

爭訟不已更相擊劍張季弱口披髮北走

無註

益

延頸望酒不入我口初喜後否得利無有

無註

夬

被髮傾走寇逐我後亡失刀兵身全不傷

無註

姤

麟鳳所遊安樂無憂君子撫民世代千秋

麟仁獸不踐生草不食生蟲毛蟲之長也鳳靈
鳥文王時鳴于岐山羽蟲之長也

萃

易

一珍做宋版印
褰衣涉河水深漬罷賴幸舟子濟脫無他

無註

升

憤憤不悅憂從中出答我金罍无妄失位

憤音漬

困

絆跳不遠心與言反尼父望家菡萏未華

史記世家孔子名丘仲尼字也

井

大壯肥牯惠我諸舅內外和穆不憂飢渴

詩小雅伐木篇既有肥牡以速諸舅按此壯當

作牡

革

黃帝建元文德在身祿若陽春封為魯君

無註

鼎

虎聚摩牙以待豚猪往必傷亡宜利止居 一云

虎厲其牙以待犬猪往必殘傷摧敗無餘利以

止居

無註

震

天地配享六位光明陰陽順序以成和平
周易乾卦象曰六位時成

艮

猿墜高木不踐手足保我金玉還歸其室

踐音過

漸

營室紫宮堅不可攻明神建德君受大福
漢天文紫宮為皇極之居

歸妹

孤翁寡婦獨宿悲苦目張耳明無與笑語

無註

豐

低頭窺視有所畏避行者不利酒酸魚敗眾莫貪

嗜

販當作敗

旅

載金販狗利棄我走藏匿淵底悔折為咎

無註

巽

易

林 卷二

十一中華書局聚

行觸大忌與司命悟執囚束縛拘制於吏
無註

兌

執玉歡喜佩之解攀危詳反安使我無患
無註

渙

機杼紛擾女巧不成長妹許嫁衣無襦袴聞禍不
成凶惡消去

無註

節

金人鐵距火燒左右雖懼不恐獨得全處

無註

中孚

謝恩拜德東歸吾國舞蹈欣躍歡樂受福
詩序云不知手之舞之足之蹈之

小過

青牛白咽呼我俱田歷山之下可以多耕歲樂時
節民人安寧

舜耕於歷山歷山之人皆讓畔

既濟

白雉羣雉慕德朝貢湛露之恩使我得權
周公爲冢宰越裳氏重譯來朝獻白雉 詩湛
露天子宴諸侯之詩也

未濟

避患東西反入禍門糟糠不足憂愁我心

無註

坎下坤上師

烏鳴呼子哺以酒脯高樓之處子來歸母穡人成
功年歲大有姤婦無子

無註

之乾

一簧兩舌佞言諂語三姦成市曾母投杼

一簧者卽詩所謂巧言如簧兩舌言不一也會
母曾參之母人有言曾參殺人者曾母不信及
三人言之曾母投杼下機而走

坤

春桃生花季女宜家受福且多在師中吉男爲封
君

詩桃夭篇桃之夭夭灼灼其華之子于歸宜其
室家

易

林卷二

十二中華書局聚

屯

殊類異路心不相慕壯牛牡犢獨無室家一本末
句心不相下

無註

蒙

折苦蔽目不見稚叔三足孤鳥遠其元夫

折苦蔽目一作折若蔽日按楚詞折若木以拂
日兮註若木木名在崑崙西極其華光照下地

需

雀東求粒誤入罔域賴仁君子脫腹歸息

無註

訟

王孫季子相與孝友明允篤誠升擢家舉為國幹

輔

史記高陽氏有才子八人謂之八愷高辛氏有
才子八人謂之八元堯未及舉舜於是舉八愷
使主后土舉八元使布五教

比

剛樹無枝與子分離飢寒莫食獨泣哀悲

無註

小畜

舜升大禹石夷之野徵詣玉闕拜理水土

書帝曰咨禹汝平水土惟時懋哉石夷未詳

履

義不勝情以欲自營見利危寵滅君令名

無註

泰

三人北行六位光明道逢淑女與我驥子

無註

否

羿張烏號射天狼柱國雄勇鬪死滎陽

羿后羿善射烏號弓名天狼獸名

同人

季姬踟躕結衿待時終日至暮百兩不來

詩靜女篇靜女其姝俟我於城隅愛而不見搔

首踟躕

大有

鴻鴈翩翩始怨苦勞災疫病民鰥寡愁憂

無註

謙

易

林 卷二

三 中華書局聚

穿胸狗邦僵離旁美天地易紀日月更始

穿胸狗邦皆外夷國名旁美一卦作旁春見剝之乾

豫

北山有棗使叔壽考東嶺多粟宜行賈市陸梁雌雉所至利喜

無註

隨

干旄旌旗撫幟在郊雖有寶玉無路致之

詩干旄篇子子干旄在浚之郊干旄以旄牛尾注於旗干之首而建之車後也

蠱

精潔淵塞為讒所言證訊詰問繫於枳温甘棠聽

斷怡然蒙恩

詩甘棠篇召伯循行南國以布文王之政舍甘棠之下以聽訟焉後人思其德

臨

玄黃痍墮行者勞罷役夫憔悴踰時不歸

詩卷耳篇陟彼高岡我馬玄黃又曰陟彼崔嵬我馬虺隤又云我僕痡矣云何吁矣後當作役

觀

膚敏之德發憤晨食虜豹禽說以成德主

史記韓信虜魏王豹又引兵擊趙禽夏說

噬嗑

采唐沫鄉要我桑中失信不會憂思約帶

詩桑中篇爰采唐矣沫之鄉矣唐菜也沫衛邑

名又云期我乎桑中

賁

伯寧子福惠我邦國蠲除苛殘使季无患

無註

剝

讒言佞雄敗亂邦國生雖忠孝敗恩不足

無註

復

淵泉隄防水道利通順注湖海邦國富有

無註

无妄

江南多蝮螫我手足冤繁詰屈痛徹心腹

無註

大畜

易

林 卷二

古 中華書局聚

三人俱行別離獨食一身五心反覆迷惑亂無所得

無註

頤

鴉鳴庭中以戒災凶重門擊柝備不速客

易繫辭云重門擊柝以待暴客蓋取諸豫豫備也

大過

功成事就拱手安居立德有言坐飾貢賦

書禹貢云上之所取謂之賦下之所供謂之貢

坎

國亂不安兵革為患掠我妻子家中飢寒

無註

離

戴堯扶禹從喬彭祖西過王母道路夷易無敢難

者

堯唐帝名禹姒姓喬王喬仙人彭祖堯時人壽

至八百

咸

長尾蛟蛇畫地成河深不可涉絕無以比惆悵會

息

無註

恆

乘龍從蛻徵詣北闕乃見宣室拜守東城鎮慰黎元舉家蒙福

未詳

遯

土與山連終身無患天地高明萬歲長安

無註

大壯

久旱水涸枯槁無澤虛修其德未有所獲

無註

晉

依天倚地凶危不至上清下淨受福大明君受其

利

無註

明夷

火烈不去必殪僵仆燔我衣裾禍不可悔

無註

家人

易

配合相迎利之四鄉欣喜興釋所言得當

無註

睽

清人高子久屯外野逍遙不歸思我慈母

詩清人篇清人在消駟介庶庶二矛重喬河上

乎逍遙

蹇

武庫軍府甲兵所聚非里邑居不可舍止

無註

解

三德五才和合四時陰陽順敘國無咎災

按書六三德正直剛克柔克五才金木水火土

也

損

解衣毛羽飛入大都晨門戒守鄭忽失家

忽鄭莊公世子莊公娶鄧曼生子忽又娶宋雍

氏生公子突桓十一年莊公卒忽立四月而出

奔衛

益

剛根燒株不生飢膚病在心腹日以焦枯

無註

夬

文山紫芝雍梁朱草生長和氣福祿多處

芝草論芝生於土土氣和則芝草生王者慈仁則有芝草生矣

姤

多載重負弃捐于野予母誰子但自勞苦

無註

萃

鳧鴈啞啞以水為家雌雄相和心至娛樂得其歡

欲

無註

升

耳目盲聾所言不通佇立以泣事無成功

詩燕燕衛莊姜送歸妾也瞻望弗及佇立以泣

困

天官列宿五神所舍宮闕堅固君安其居

無註

井

范子妙材戮辱傷膚然後相國封為應侯

易

林卷二

六一中華書局聚

珍做宋版印

范子即范雎按史記范雎初事魏嘗從須賈使齊齊賜雎金及牛酒賈知之大怒以為雎以國陰事告齊故得此饋歸告魏相魏齊大怒使舍人笞擊雎折脅摺齒雎佯死置廁中雎告守者得脫變姓名後歸秦秦以為客卿封應侯

革

秋冬探巢不得鵲雛銜指北去慚我少夫

無註

鼎

子畏於匡厄困陳蔡德行不危竟脫厄害

孔子過匡匡人以為陽虎而拘之在陳蔡絕糧言聖人道全德備雖遇患而不危殆也

震

鴻飛在陸公出不復仲氏任止伯氏客宿

詩豳風九罭篇美周公也鴻飛遵陸公歸不復於女信宿又詩燕燕篇仲氏任只仲氏戴嬌字也

艮

鶴鳴九臯避世隱居抱朴守真竟不隨時

詩鶴鳴篇鶴鳴于九臯聲聞于野葛玄號仙翁

又號抱朴子

漸

舜升大禹石夷之野徵諸玉闕拜治水士

書帝曰咨禹汝平水土惟時懋哉石夷未詳

歸妹

左輔右弼金玉滿堂常盈不亡富如敖倉

無註

豐

崔嵬北岳天神貴客衣冠不已蒙彼恩德

大梁析木其神主於恆山為北嶽

旅

空槽注猪獾彘不到張弓祝雞雄父飛去

無註

巽

胡蠻戎狄大陰所積涸冰凍寒君子不存

無註

兌

甘露醴泉太平機關仁德感應歲樂民安

瑞應圖王者德至於天和氣感則甘露降于松

柏六帖云醴泉美泉也水之精太平則出出則

易

林卷二

主一中華書局聚

其政和平堯之時德茂清平則出

渙

惡來呼伯慎驚外客甲守閉宅以備凶急臨折之
憂將滅無災

惡來紂臣名即飛廉惡來也

節

日月相望光明盛昌三聖茂功仁德大隆

三聖堯舜禹也

中孚

葛藟蒙棘華不得實讒佞亂政使恩壅塞

葛藟詩篇名蒙棘詩葛生篇云葛生蒙棘斂蔓
于域予美亡此誰與獨息

小過

鄰不我顧而望玉女身多癩疾誰肯媚者

無註

既濟

精誠所在神之為輔德教尚忠彌世長久三聖尚
功多受福祐

三聖夏尚忠商尚質周尚文按史記夏歷世四
百七十八年商歷世六百二十八年周歷世八

百六十七年

未濟

鑽木求火掘地索水主母飢渴手為心禍

無註

二二二二坤下坎上比

鹿得美草鳴呼其友九族和穆不憂飢乏長子入
獄霜降族哭

詩小雅鹿鳴燕羣臣嘉賓也呦呦鹿鳴食野之
苹我有嘉賓鼓瑟吹笙

之乾

繼祖復宗追明成康光照萬國享世久長

周成康之際天下太平刑措四十餘年不用

坤

取火流泉釣魴山顛魚不可得火不肯燃

無註

屯

麟子鳳雛生長家國和氣所居康樂温仁邦多聖

人

麟仁獸鳳靈鳥能知安危故世治則出出則聖

人生焉

易

林卷二

六一中華書局聚

蒙

彭名爲娛白龍作蓄盜堯舜裳桀蹠荷兵青禽照
火三日夷傷

按革之大過名作君娛作妖白作暴舜作衣桀
作聚火作夜未詳

需

黍稷醇釀敬奉山宗神嗜飲食甘雨嘉降庶物蕃
殖獨蒙福祉

詩楚茨首章云我黍與與我稷翼翼我倉既盈
我庾維億以爲酒食以享以祀又四章云神嗜
飲食卜爾百福

訟

李花再實鴻飛降集仁哲權輿廢國受福
無註

師

千歲之墟大國所屠不見子都城空無家
無註

小畜

公子王孫把彈攝丸發輒有得室家饒足
無註

無註

履

驪姬讒喜與一嬖謀譖殺恭子害賊忠孝申生以
縊重耳奔逃

春秋左傳晉獻公嬖驪姬欲立其子奚齊賂外
嬖梁五東關嬖五譖毀羣公子及世子申生恭
子即申生也重耳晉文公名

泰

長生無極子孫千億柏柱載青堅固不傾
無註

否

失意懷憂如幽狴牢亡子喪夫附托寄居
無註

同人

仁智隱伏麟不可得龍蛇潛藏虛居堂室
無註

大有

捩絜累累締結難解嫫母銜嫁媒不得坐自為身
禍

捩絜一作捩絜見比之蒙其義未詳嫫母黃帝
第三妃貌醜而賢

易

林卷二

九一中華書局聚

謙

蝮飛墮木不毀頭足保我羽翼復歸其室

蝮蟬也詩五月鳴蝮

豫

陳媯敬仲北與齊姜乃適營丘八世大昌

按春秋傳陳媯姓敬仲即陳公子完魯莊公二十二年奔齊使為工正初懿氏卜妻敬仲曰有媯之後將育于姜八世之後莫之與京姜齊姓營丘齊所封之地

隨

過時不歸雄雌苦悲徘徊外國與母分離

無註

蠱

齊魯爭言戰於龍門構怨結禍三世不安

按春秋魯成公二年春齊侯伐我北鄙圍龍頃公之嬖人盧蒲就魁門焉龍人囚之齊侯親鼓三日取龍焉

臨

府藏之富王以振貸捕魚河海苟願多得

無註

觀

鳴鶴北飛下就稻池鱸鮪鯉鯉衆多饒有一狗獲
兩利得過倍

無註

噬嗑

蒼梧鬱林道易利通元龜象齒寶貝南金爲吾福
功

蒼梧鬱林皆地名

賁

兩火爭明雖鬪不傷分離且忍全我弟兄
無註

剝

伯夷叔齊貞廉之師以德防患憂禍不存

伯夷叔齊孤竹君之二子武王伐紂諫之不食
周粟遂餓而死論語云伯夷叔齊餓於首陽之
下民到于今稱之

復

季去我東髮櫛如蓬展轉空抹內懷憂傷

抹當作牀

无妄

易

林 卷二

中華書局聚

百足俱行相輔爲強三聖翼事王室寵光

三聖堯舜禹也

大畜

壅遏隄防水不得行火盛陽光陰蛻伏藏退還其

鄉

無註

頤

滕蛇乘龍年歲飢凶民食草蓬

春秋魯襄公二十八年梓慎曰蛇乘龍龍宋鄭

之星也宋鄭必飢

大過

鉛刀攻玉堅不可得盡我筋力胝蠶爲候

無註

坎

恆山浦壽高邑所在陰氣下淋洪水不處勞人開

戶

無註

離

比目四翼來安我國福善上堂與我同床

無註

咸

杜口結舌心中拂鬱去留患生莫所告寃

無註

恆

牽尾不前逆理失臣忠莫往來衛朔以犇

按春秋桓公十二年衛侯晉卒朔立十三年左

公子洩右公子職立公子黔牟朔奔齊

遯

早霜晚雪傷害禾麥損功弃力飢無所食

無註

大壯

適戍失期患生無斯懼以懷憂發藏閉塞邦國騷

愁

按春秋魯莊公八年齊侯使連稱管至父戍葵

丘瓜時而往及瓜而代期戍公問不至請代弗

許故謀作亂

晉

昊天白日照臨我國萬民康寧咸賴嘉福

無註

明夷

易

林卷二

三一中華書局聚

元吉无咎安寧不殆時行則行勿之有悔

無註

家人

懿公淺愚不深受謀無援失國為狄所賊

春秋閔公三年狄人伐衛懿公好鶴鶴有乘軒者將戰國人皆曰使鶴遂為狄所滅

睽

城上有烏自名破家喚呼鳩毒為國患災

無註

蹇

長股善走趨步千里王良嘉言伯來在道申見王

母

王良古之善馭者

解

耕石山顛費種家貧無聊處作苗髮不生

無註

損

二人異路東趨西步千里之外不相知處

無註

益

純服黃裳載土以興德義茂生天下歸仁
純服色不雜也易坤卦六五黃裳元吉文在中
也

夬

五銑鐵頤倉庫空虛賈市無盈與利爲仇

按韻註鍾口兩傍曰銑又云銑金之澤者鐵頤
未詳

姤

登崑崙入天門過糟丘宿玉泉問惠觀見仁君

崑崙山在西北去嵩山五萬里其山高萬一千
里河水出其東北陬天門泰山有大小天門視
天門如從穴中望天窗糟丘紂爲酒池糟丘玉
泉未詳

萃

團團白日爲月所食損上毀下鄭昭出走

春秋魯桓公十一年鄭昭公名忽立四月出奔
衛

升

倉盈庾億宜稼黍稷年歲有息國家富有

詩楚茨篇我黍與與我稷翼翼我倉旣盈我庾

易

林卷二

三中華書局聚

維億

困

狼虎結謀相聚為保
伺齧牛羊道絕不通
傷我商人

無註

井

木年摧折常恐不活
老賴福慶光榮輔相

無註

革

同載共輿中道分去
喪我元夫獨為孤居

無註

鼎

飲酒醉酗跳躍爭鬪
伯傷叔僵東家治喪

無註

震

出值凶災逢五赤頭
姚言死格扶伏伏聽
不敢動搖

未詳

艮

狼虎爭強禮義不行
兼吞其國齊晉無主

齊桓晉文假仁義以尊周室自桓文之後天下
失霸則諸侯無主愈僭亂矣

漸

南國少子才略美好求我長女薄賤不與反得醜
惡後乃大悔

無註

歸妹

一身兩頭莫適其驅亂不可治孰爲湯漢

無註

豐

李耳橐鵠更相恐怯偃爾以腹不能距格

史記龜策傳云蝟辱於鵠郭璞曰蝟能制虎見
鵠仰地淮南畢萬曰鵠令蝟反腹者蝟憎其意
而心惡之也橐鵠之橐當作蝟李耳未詳

旅

松柏棟梁相輔爲強八哲五教王室寧康

舜命高辛氏才子八人分布五教於四方

巽

雀行求食暮歸孚乳反其室舍安寧無故

無註

易

林卷二

三三中華書局聚

兌

四尾六頭為凶作妖陰不奉陽上失其明

無註

渙

一衣三闕結緝不便歧道異路日暮不到

無註

節

牙孽生齒室當啓戶幽人利貞鼓翼起舞

一作牙孽生達見遯之兌

中孚

春鴻飛東以馬質金利得十倍重載歸鄉

無註

小過

權悅以喜子孫具在守發能忍不見殃咎

無註

既濟

精華消落形體醜惡齟齬挫頓枯槁腐蠹

齟齬不相值也齟齬也挫頓伊人去軒騰茲字

遂頓挫按韻府羣玉出韓文

未濟

登高上山見王自言申理我寃得職蒙恩
無註

易林卷第二

易林卷第三

三三三乾下巽上小畜

白鳥啣餌鳴呼其子斡枝張翅來從其母伯仲叔季尤賀舉手

無註

之乾

東過虎地牛馬奔驚道絕不通南困無功

無註

坤

子鉏執麟春秋作元陰將以終尼父悲心

左傳哀公十四年春西狩於大野叔孫氏之車

子鉏商獲麟孔子作春秋

屯

取火泉源釣魴山巔魚不可得火不可燃

無註

蒙

機關不便不能出言精誠不通為人所寃

無註

需

故室舊廬稍弊且除不如新巢可治樂居

無註

訟

蛟螭循流東求大魚預且舉網庖人歌謳

無註

師

鑿山通道南至嘉國周公祝祖襄適荆楚

春秋魯昭公將往楚子服惠伯曰先君未嘗適楚故周公祖以道之襄公適楚而祖以道君不行何之

比

鵲近卻縮不見頭日日以困急不能自復

無註

履

五舌啄難各自有言異國殊俗使心迷惑所求不得

無註

泰

天門開闢牢戶寥廓桎梏解脫拘囚縱釋

無註

否

堅冰黃鳥當哀悲愁數驚鷺鳥雖爲我憂

無註

同人

日走月步趨不同舍夫妻反目主君失居

易小畜卦輿脫輻夫妻反目

大有

金牙鐵齒西王母子無有患殃扶舍涉道到來不

久

王母神仙以東華至真之氣化生

謙

拭牧拭牧憂禍相半隔以巖山室家分散

無註

豫

衆神聚集相與議語南國虛亂百姓勞苦興師征

伐更立賢主

虛當作虐

隨

狼虎爭食禮義不行兼吞其國齊魯無主

春秋自齊桓晉文失霸中國無主

蠱

易

寄生無根如過浮雲立本不固斯須落去更爲枯樹

無註

臨

子啼索哺母行求食反見空巢長息訾弋

無註

觀

駕駟逐狐輪挂荆棘車不結轍公子無得

無註

噬嗑

方喙廣口仁智聖厚釋解倒懸唐國大安

按節之睽方豕宣口此卦作方喙廣口義通唐

國卽陶唐

賁

駕福乘喜來至家國戴慶南行離我安居

無註

剝

孔鯉伯魚北至高奴乘馬金車駕遊大都王母送

我來牝字駒

高奴漢上郡

復

三足無頭不知所之心狂精傷莫使為明不見日
光

未詳

无妄

獠牝龍身刃取三千南止蒼梧與福為婚道里夷
易安全無患

詩定之方中騶牝三千蒼梧地名

大畜

辰次降婁王駕巡時廣祐施惠安國無憂

降婁宿名戌分

頤

望幸不到文章未就王子逐走馬騎銜傷跡不
得曷其有常

無註

大過

中原有菽以待饗食飲御諸友所求大得

無註

坎

亂茅縮酒靈巫拜禱神怒不許瘁愁憂苦

離

楚有三春茅祭則用以縮酒也

李花再實鴻卵降集仁哲以興廢國受福

無註

咸

源出陵足行於山趾不為暴害民得安處

無註

恆

客入其門奔走東西童女不織士弃耕畝暴骨千里歲寒無年

無註

遯

天之所子福祿常在以永康寧不憂危殆

無註

大壯

蝗食我稻驅不可去實穗無有但見空藁

蝗虫屬腹下有梵字魚子在水化成食苗之虫

也

晉

牛驥同堂郭氏已亡國破空虛君奔走逃

按胡傳莊公二十四年齊桓公問郭父老曰郭何以亡父老曰見善而不能舉惡惡而不能去所以亡

明夷

狗無前足陰謀其北為身害賊何以安息

無註

家人

兩輪自轉南上大阪四馬共轅無有屯難與禹笑

言鶴鳴竅穴不離其室

禹夏禹竅苦弔切

睽

牙孽生達陽昌於外左手執籥公言錫爵

詩云左手執籥右手秉翟赫如渥赭公言錫爵

按詩傳籥如笛而六孔或三孔翟雉羽也執籥

秉翟者文舞也公言錫爵即儀禮燕飲而獻工

之禮也

蹇

秋華冬萼數被嚴霜甲兵當庭萬物不生雄犬夜

鳴民擾大驚

無註

解

霜降閉戶蟄虫隱處不見日月與死為伍

無註

損

身載百里功如四海為文開基武立大柱

文王以百里之國脩德行仁至武王遂有天下

益

禹作神鼎伯益銜指斧斤高閣憧位獨坐賣庸不

讎苦困為禍

禹分九州收天下美銅鑄為九鼎以象九州伯

益舜之虞官禹嘗薦益於天後益避位箕山天

下之人不歸益而歸啓

夬

福祚之家喜至憂除如風兼雨出車入魚 又云

如魚逢水長樂受喜

無註

姤

倉龍隱伏麟鳳遠匿冠履同處未得安息

無註

萃

旦生夕死名曰嬰鬼不可得視

無註

升

白鶴銜珠夜食為明懷安德音身受光榮

搜神記云有鶴為弋人所射窮而歸噲參參收
養療治瘡愈而放之後鶴夜到門外參執燭視
之鶴雌雄雙至各銜明珠以報參焉

困

役行未已新事復起姬姜勞苦不得休息

無註

井

憂患解除喜至慶來坐立懽忻與樂為隣

無註

革

晨風之翰大舉就温味過我邑羿無所得

晨風鷗也詩歎彼晨風味暗也羿古之善射者

鼎

下田稷黍方華生齒大雨集降紛滂滿甕

無註

震

易

君子碌碌鳥庇茂木見春百穀心勞願德

無註

艮

折臂踳足不能進酒祠祀曠開神怒不喜

無註

漸

學靈三年聖且神明光見喜祥吉喜福慶鳩鳩飛

來告我無憂

無註

歸妹

三婦同夫忽不相思心懷不平志常愁悲

無註

豐

中田膏黍以享王母受福千億所求大得

王母神仙以東華至真之氣化生

旅

陽火不災喜至慶來降福送喜鼓琴歌謳

無註

巽

陽明不息君無恩德伯氏失利農喪其力

無註

兌

鷺雀銜茅以生孚乳兄弟六人姣好悌孝各得其願和悅相樂

無註

渙

鷄尾奔奔火中成軍號叔出奔下失其君

僖公五年童謠云鷄之賁賁天策焯焯火中成軍號公其奔冬十二月虞伐號號公醜奔京師

節

兩人相距止不同舍夫妻離散衛侯失居

春秋成公十四年夏四月己未衛侯出奔齊註諸侯之策書孫甯逐衛侯春秋以其自取奔亡之禍故不書逐君之賊也

中孚

魁為番虎風推雲卻欲上不得反歸其宅

無註

小過

關雎淑女配我君子少妻在門君子嘉喜

周南關雎后妃之德也關關雎鳩在河之洲窈

易

林卷二

六一中華書局聚

窈淑女君子好逑

既濟

慈母赤子饗賜得士襄夷服除以安王家

無註

未濟

三足孤鳥靈鳴督郵伺過討惡自賊其家

漢天文志日中有三足鳥

三三兌下乾上履

十鳥俱飛羿得九雌雄雖得全且驚不危

堯時十日並出草木焦枯命羿射其九日九鳥

皆死墮其羽翼留其一日

之乾

東嚮藩垣相與笑言子般執鞭圍人作患

魯莊公三十二年雩講于梁氏女公子觀之圍

人犖自牆外與之戲子般怒使鞭之公曰不如

殺之是不可鞭犖有力焉能投蓋于稷門十月

圍人犖賊子般于黨氏

坤

循河摘舟旁淮東游漁父舉網先得大鱖

無註

屯

轅折輪破馬倚僕臥後旅先宿右足跌踈

無註

蒙

兩人相絆相與悖戾心不同爭訟怙怙然

無註

需

北辰紫宮衣冠立中含和建德常受天福

北辰北極天之樞也紫宮為皇極之居出漢天

文志

訟

遊居石門祿身安全受福西鄰歸飲玉泉

無註

師

羊腸九縈相推併前止須王孫乃能上天

羊腸山名其形屈辟如羊腸

比

爭訟相倍和氣不處陰陽俱否穀風母子

無註

小畜

易

林 卷二

七 中華書局聚

郭叔距頤為棘所拘龍額重額禍不成殃復歸其鄉

未詳

泰

薑室蜂戶螫我手足不得進止為吾害咎

薑丑邁切螫音釋

否

怒非其怨因拘有遷貪垢腐鼠而呼鷄鳶失反被

困

無註

同人

嬰孩求乳母歸其子黃麕悅喜自樂甘餌

麕五兮切鹿子也

大有

鍼縷勝服錦繡不成鷹逐雉兔爪折不得

無註

謙

雨潦集降河梁不通鄒魯閉塞破費市空

鄒魯二國名

豫

封豕溝瀆水潦空谷客止舍宿泥塗至腹處無黍稷

無註

隨

三姦相擾桀跖為交上下騷離隔絕天道

桀夏桀跖盜跖

出鹽

齊景惑疑為孺子牛嫡庶不明賊孽為患

按春秋傳孺子名荼齊景公妾鸞嬖所生景公嘗銜繩為牛使荼牽之故曰為孺子牛哀公五年景公疾使國惠子高昭子立荼寘羣公子於萊六年僖子使召公子陽生遂殺荼

臨

三羊俱亡走奔南行會暮失迹不知所藏

無註

觀

請伯行賈代山之野夜歷險阻不逢危殆利如澆

酒

無註

噬嗑

易

林卷二

八中華書局聚

葉之將落隕其黃葉失勢傾側而無所立
葉當作桑詩桑之落矣其黃而隕

賁

上山求魚入水捕狸市非其歸自令久留

無註

剝

名成德就項領不試景公耄老尼父逝去

論語齊景公欲用孔子孔子曰吾老矣不能用

也孔子行

復

天之奧隅堯舜所居以存保身為我國家

堯舜唐虞二帝也

无妄

雌鳩淑女賢聖配偶宜家壽福吉慶長久

關雎詩云關關雎鳩在河之洲窈窕淑女君子

好逑言周文王生有聖德又得聖女姒氏以為

之配

大畜

兩人俱爭莫能有定心乖不同訟言起凶

無註

頤

涉伯徇名弃禮誅身不得其道成子奔燕

魯定公九年晉趙鞅圍衛討衛之叛曰由涉佗成何遂殺涉佗成何奔燕君子曰此之謂弃禮詩曰人而無禮胡不遄死涉佗然矣哉

大過

踰江求橘并得大栗烹羊食肉飲酒歌笑

無註

坎

山險難升澗中多石車馳轆擊重傷載軸擔負善躓跌踣右足

轆音遂躓音致踣音渦

離

元利孔福神所子畜般樂無苦得其歡欲

無註

咸

烏鵲食穀張口受哺蒙被恩福長大成就柔順利貞君臣合好

無註

恆

易

林 卷二

九一中華書局聚

潼滄蔚蒼膚寸來會津液下降流潦滂沛

滄上聲蒼音穢

遯

路多枳棘步刺我足不利旅客為心作毒

無註

大壯

虺蝮所聚難以居處毒螫痛甚瘡不可愈

虺音卉螫音釋

晉

麟鳳相隨觀察安危東郭聖人后稷周公共和政

令君子攸同利以居止長无憂凶

麟仁獸鳳靈鳥能知安危故世治則出周自后

稷始封於邰積功累仁至於周公制禮作樂以

成文武之烈

明夷

築亂不時使民恨憂立趾為笑君危臣騷

無註

家人

黃帝所生伏羲之宅兵刃不至利以居止

大昊伏犧氏黃帝軒轅氏黃帝造五兵以征不

享

睽

雀行求食暮歸屋宿及其室舍安寧無故

無註

蹇

大倉積穀天下饒食陰陽和調年歲時熟

無註

解

損履機蹈顛墮入寒淵行不能前足踳不便

無註

竿旄旌旗執幟在郊雖有寶珠無路致之

詩于旄篇云于于旄在浚之郊又于于旄

在浚之城

益

銜命上車和合兩家蛾眉皓齒二國率疆

無註

夬

吉日車攻田弋獲禽宣王飲酒以告嘉功

吉日車攻皆宣王詩言田獵之事

易

林卷二

十一中華書局聚

姁

重伯黃寶宜以我市嫁娶有息利得過母

無註

萃

延頸望酒不入我口深以自喜利得無有

無註

升

牧為代守饗食甘賜得吏士意戰大破胡長安國

家

按史李牧為趙將居代鴈門備匈奴以便宜置
吏市租皆輸入幕府為士卒費日擊數牛饗士
習騎射謹烽火約曰匈奴即入寇急入收保敢
有捕虜者斬匈奴每入不戰以為怯邊士日得
賞賜而不用皆願一戰於是大破匈奴十餘歲
不敢近趙邊

困

日出温谷臨照萬國高明淑仁虞夏配德

虞舜有天下之號也夏禹有天下之號也

井

逐兔索鳥破我弓車日暮不及失利後時

無註

革

譎言妄語傳相註誤道左失迹不知所處

無註

鼎

履虎躡蛇貶損我威君子失車去其國家

無註

震

本根不固花葉落去更爲孤嫗不得相親

無註

艮

五軌四軌優得饒有陳力就列騶虞喜悅

騶虞獸名白虎黑文不食生物者

漸

黃帝紫雲聖且神明光見福祥告我无殃

史記黃帝生而神靈長而聰明應邵曰受命有

雲瑞故以雲紀事

歸妹

五利四福俱佃高邑黍稷盛茂多獲藁稻

無註

易

林卷二

十二中華書局聚

豐

羣虎入邑求索肉食大人衛守君不失國

無註

旅

烏子鵲雛嘗與母居顧慕羣侶不離其巢

無註

巽

蹇驢不材駿驥失時筋勞力盡罷於沙丘

無註

兌

玄鬣黑顙東歸高鄉朱鳥道引靈龜載莊遂抵天

門見我貞君

無註

渙

探巢得雛鳩鵲來俱使我音娛

無註

節

安上宜官一日九遷升擢超等牧養常山君臣獲

安

漢車千秋一日九遷其官

中孚

大頭目明戴受嘉福二雀飛來與祿相得

無註

小過

遠視千里不見黑子離婁之明无益於光

離婁古之明目者

既濟

三女為姦俱遊高園倍室夜行與伯笑言不忍主
母失禮酒冤皇天誰告

無註

未濟

日辰不和強弱相振一雌兩雄客勝主人

無註

三三乾下坤上泰

求玉陳國留連東域須我王孫四日來復主君有

德蒙恩受福

無註

之乾

伯夷叔齊貞廉之師以德防患憂禍不存

伯夷叔齊孤竹君之二子武王伐紂諫之不食

周粟又語云伯夷叔齊餓於首陽之下民到于
今稱之

坤

濟深難渡濡我衣袴五子善權脫無他故

無註

屯

倚立相望適得道通驅駕犇馳比目同床

無註

蒙

葛藟蒙棘花不得實讒佞為政使恩壅塞

葛藟詩篇名蒙棘詩葛生篇云葛生蒙棘歛蔓

于域予美亡此誰與獨息

需

四足無角君子所服南征述職與福相得

征者上伐下也諸侯朝王曰述職

訟

蹀踵之傷左指病癰失旅後時利走不來

無註

師

春城夏國生長之域可以服食保全家國

無註

比

望驥不來駒蹇為憂雨驚我心風撼我肌

無註

小畜

久客無床思歸我鄉雷雨涌盈道不得通

涌當作滿易屯卦雷雨之動滿盈

履

舫船備水旁可燃火積善有徵終身無禍

無註

否

陟岵望母役事未已王政無監不得相保

陟岵國風齊詩篇名既云望母岵當作岵詩云

陟彼岵兮瞻望父兮陟彼岵兮瞻望母兮

同人

多載重負捐棄於野予母誰子但自勞苦

無註

大有

生直地乳上皇大喜賜我福祉受命無極

無註

謙

翁翁鞠鞠稍墮崩顛滅其今名長沒不全

翁音吸鞠音田

豫

東鄰嫁女為王妃后莊公築館以尊王母歸于京師季姜悅喜

春秋魯莊公元年王姬下嫁於齊命同姓諸侯主之魯以姬姓故築館而迎之冬王姬歸于齊桓公九年春紀季姜歸于京師為桓王后

隨

伯虎仲熊德義淵閔使布五穀陰陽順敘

按史高辛氏之子有曰伯虎仲熊舜舉八愷使主后土為伯益之佐

蠱

敏捷敬疾如援升木彤弓雖調終不能獲

無註

臨

舉被覆日不見日月衣裘簟床就長夜室

按史記越伐吳吳三戰三北夫差上姑蘇亦請成於越范蠡不可夫差曰吾無以見子胥為愼

冒乃死

觀

忍醜少羞無面有頭虛日以弊消寡耗滅

未詳

噬嗑

涸陰沍寒常冰不温凌人墮怠雹大為蓄

凌人冰人也按詩傳蘇氏曰古有藏冰發冰以節陽氣之盛是以無災霜雹也

賁

夏麥麩麩霜擊其芒疾君敗國使民夭傷

無註

剝

淵涸龍憂箕子為奴午叔殞命殷破其家

箕子紂親戚諫紂不聽佯狂為奴午叔當作干叔紂之諸父比干也直言諫紂紂怒殺之剝視其心

復

跛躄相隨日暮牛罷陵遲後旅失利士雌

無註

无妄

易

林卷二

西一中華書局聚

桑之將落隕其黃葉失勢傾側如無所立
詩氓篇云桑之落矣其黃而隕又云女也不爽
士貳其行

大畜

生長以時長育根本陰陽和德歲樂無憂

無註

頤

童女無夫未有匹配陰陽不和空坐獨宿

無註

大過

春令原宥仁德不合三聖攸同周國茂興

三聖大王王季文王也

坎

金精耀怒帶劍過午兩虎相距雖驚无咎

無註

離

危坐至暮請求不得膏澤不降政戾民忒

無註

咸

老楊日衰條多枯枝爵級不進日下摧墮

無註

恆

蔡侯適楚留連江濱踰時歷月思其君后

魯定公三年冬蔡昭侯適楚獻佩裘於昭王昭

王服之以享蔡侯蔡侯亦服其一子常欲之弗

與三年止之

遯

右撫劍頭左受鈎帶凶訟不止相與爭戾失利市

肆

無註

大壯

水流趨下遠至東海求我所有買鮪與鯉

無註

晉

登几上輿駕駟南遊合從散衡燕秦以強

蘇秦主從張儀主衡秦事燕儀事秦按禮部韻

毛居正曰以六攻一為從以一離六為橫合之

曰從衡

明夷

求兔得獐過其所望懼以相迎高位夷傷

易

林卷二

五一中華書局聚

無註

家人

過時不歸道遠且迷旅人心悲使我徘徊

無註

睽

魂孤無室銜指含食盜張民饋見敵失肉

無註

蹇

居如轉丸危不得安東西不寧動生憂患

無註

解

坤厚地德庶物蕃息平康正直以綏大福

易曰地勢坤君子以厚德載物

損

掘蔽牡荆生賢山旁仇敵背憎孰肯相迎

無註

益

鳳凰銜書賜我玄珪封為晉侯

成王與叔虞戲削桐葉為珪以與叔虞曰以此

封若史佚曰天子無戲言請擇日成之遂封叔

虞於唐唐叔子燮改唐為晉

夬

作凶不善相牽入井溺陷辜罪禍至憂有

無註

姤

悲鳴北行失其長兄伯仲不幸骸骨散亡

無註

萃

羔衣豹裘高易我家君子惟好

詩羔裘篇云羔裘豹飾孔武且力

升

日中為市各抱所有交易資貨貪珠懷寶心悅懽

喜

周易繫辭云日中為市致天下之民聚天下之

貨交易而退

困

振急絕理常陽不雨物病焦乾華實無有

無註

井

孤貉載剝徙溫厚蓐寒棘為疾有所不足

易

林卷二

共一中華書局聚

無註

革

履踐危難脫執去患入福喜門見誨大君

無註

鼎

四亂不安東西為患退止我足毋出國城乃得全

完賴其生福

無註

震

南國少子才略美好求我長女賤薄不與反得醜

惡後乃大悔

無註

艮

妄怒失理陽孤無輔物病焦枯年飢於黍

無註

漸

倬然遠咎避患害早田獲三狐見民為寶

周易解九二田獲三狐狐者邪媚之獸三狐指

卦之三陰時之小人也獲如能變化除去之如

田之獲狐也

歸妹

逐鹿山顛利去我西維邪南北無所不得

無註

豐

龍蛇所聚大水來處滑滑涉涉使我無賴

無註

旅

從風吹火牽騏驎尾易為功力因催受福

無註

巽

澤狗水鳧難畜少雛不為家饒心其函憂

未詳

兌

水壞我里東流為海龜鳧謹囂不覩慈母

無註

渙

褰衣涉行水深漬多賴幸舟子濟脫無他

無註

節

龜厭河海陸行不止自令枯槁失其都市憂悔為

咎亦無及已

無註

中孚

同本異業樂仁政德東鄰慕義來與我國

無註

小過

桃李花實累累日息長大成熟甘美可食為我利

福

無註

既濟

重瞳四乳聰明順理無隱不形微視千里災害不

作君子集聚

淮南子云舜目重瞳文王四乳

未濟

實沈參墟以義討尤次止結盟以成霸功

實沈參神參虛晉地也

三三坤下乾上否

秦為虎狼與晉爭強併吞其國號曰始皇

秦號為虎狼之國并六國號始皇

之乾

天之奧府衆利所聚可以饒有樂我君子

無註

坤

天之所蓄凶不可居轉徙獲福留止危憂

無註

屯

名成德就項領不試景公羞老尼父逝去

論語齊景公欲用孔子孔子曰吾老矣不能用

也孔子行

蒙

特善避患福祿長存雖有豺虎不能危患

無註

需

避患東西反入禍門糟糠不屬憂動我心

無註

訟

珪璧琮璋執贄見王百里甯越應聘齊秦

百里奚事秦甯越事齊

師

揚水潛鑿使君潔白衣素朱表遊戲臯汭得君所

願心志娛樂

詩揚之水刺晉昭公也昭公分國以封沃曰揚之水白石鑿鑿素衣朱褌從子于沃既見君子云胡不樂沃當作沃

比

官爵相保居之无咎求兔不得怕使恨悔

無註

小畜

戴元無禪羸程出門小兒作笑君爲憂患

未詳

履

把珠入口爲我利寶得吾所有欣然嘉喜

無註

泰

行不如還直不如屈進不若退可以安吉

無註

同人

衆鬼凡聚還生大怪九身無頭魂驚魄去不可以

居

未詳

大有

家給人足訟聲並作四夷賓服干戈囊閣
此言武成偃干戈振兵釋旅之事

謙

人面鬼口長舌為斧斲破瑚璉殷商絕祀

商紂無道微子抱祭器奔周其後武王伐紂遂
滅商焉

豫

南山之峻真人所在德配唐虞天命為子保祐飲
享身受大慶

唐虞堯舜有天下之號也

隨

春桃生花季女宜家受福多年男為邦君

詩桃夭后妃之所致也桃之夭夭灼灼其華之
子于歸宜其室家

蠱

鷓鴣破斧冲人危殆賴其忠德轉禍為福傾危復
立

鷓鴣破斧皆詩豳風篇名言周公之事誅管蔡
以安周室

臨

猿墮高木不踈手足保我金玉還歸其室

無註

觀

天之奧隅堯舜所居可以存身保我邦家

堯舜唐虞二帝也

噬嗑

伯蹇叔盲足病難行終日至暮不離其鄉

無註

賁

日月相望光明盛昌二聖茂功仁德大隆

三聖堯舜禹也

剝

桃李花實累累日息長大成就甘美可食

無註

復

入和出明動作有光運轉休息動作尤康

無註

无妄

陰冥老極陽建其德履離載光天下昭明功業不

長蝦蟇代王

冥一作衰見坤之未濟未詳

大畜

行役未已新事復起姬姜勞苦不得休息

詩陟岵篇云父曰嗟予子行役夙夜无已上慎

旃哉猶來无止

頤

狐鳴苑北飢無所食困於空丘莫與同力

無註

大過

雄聖伏名人匿麟遠走鳳飛北擾亂未息

無註

坎

病貧望幸使伯行販開牢擇羊多得大牂

無註

離

翁翁鞫鞫稍稍崩顛滅其令名長沒不存

翁音吸鞫音田

咸

花落實槁衣弊如絡女功不成絲布如玉

易

林卷二

二中華書局聚

無註

恆

溫山松柏常茂不落鸞鳳所止得以歡樂

無註

遯

失恃母友嘉偶出走獲如失兔僮如虐狗

虐作喪孔子去魯僮若喪家之狗

大壯

太一駕騶從天上求徵我叔季封為魯侯

太乙星名成王封周公之子伯禽於魯

晉

雙鳧俱飛欲歸稻池經涉藿澤為矢所射傷我胸

臆

無註

明夷

深坑復平天下安寧意娛心樂賴福長生

無註

家人

俱為天民雲過吾西風伯雨師與我無恩

無註

睽

野鳥山鵲來集六博二鳥四散主人勝客
六博古者象棋有六博

蹇

北陰司寒堅冰不温凌人情怠大雹為災

凌人冰人也按詩傳蘇氏曰古有藏冰發冰以
節陽氣之盛是以無災霜雹也

解

伊尹智士去桀耕野執順以傳反和无咎

伊尹耕于有莘之野湯三使往聘之使五就桀
桀不能用復歸于湯遂相湯伐桀

損

北風牽手相從笑語伯歌季舞讌樂以喜

詩北風篇云北風其涼雨雪其雱惠而好我攜
手同行

益

從巢去家南過白馬東西受福與母相得

無註

夬

鳥飛跌跛兩兩相和不病四支但去莫疑

易

林卷二

三一中華書局聚

無註

妬

三馬生駒以戌爲母荆夷上侵姬伯出走

三年一作二牛見需之訟一作三年生狗見坤之震

萃

破筐弊筥棄捐於道壞落穿敗不復爲寶

無註

升

結紐得解憂不爲禍食利供家受福安坐

無註

困

白日陽光雷車避藏雲雨不行各自止鄉

無註

井

杜口結舌心中怫鬱凶災生患無所告冤

無註

革

齎貝贖狸不聽我辭繫於虎髯牽不得來

無註

鼎

持鶴抱子見蛇何咎室家俱在不失其所

無註

震

逐兔山西利走入門賴我仁德獲為我福

無註

艮

興役不休與民爭時牛生五趾行危為憂

無註

漸

春粟夏梨少鮮希有斗千石萬貴不可販

無註

歸妹

悲號北行失其長兄伯仲不幸骸骨散亡

無註

豐

賦斂重數政為民賊杼軸空盡家去其室

詩大東篇云小東大東杼軸其空

旅

履服白縞殃咎並到憂不敢笑

易

林卷二

三中華書局聚

無註

巽

杜口結舌言為禍母代伯受患無所禱寃

無註

兌

免冠進賢步行出朝門體不正賊孽為患

漢書貢禹為河南令以賊事為府官見責免冠謝輿服志進賢古緇布冠文儒者之服

渙

娶於姜女駕迎新婦少齊在門夫子悅喜

按春秋昭公二年夏四月韓須如齊逆女齊陳無宇送女致少姜少姜有寵於晉侯晉侯謂之

少齊姜齊姓

節

牧羊稻園聞虎喧囂思恐悚息終無禍患

無註

中孚

老妾据機緯絕不知女功不成冬寒無衣

無註

小過

乘龍吐光使陰復明燎獵載聖六師以昌

無註

既濟

東鄰嫁女爲王妃后莊公築館以尊王母歸于京師季姜悅喜

春秋魯莊公元年王姬下嫁於齊命同姓諸侯主之魯以姬姓故築館而迎之冬王姬歸于齊桓公九年春紀季姜歸于京師爲桓王后

未濟

灌鵠東從道頓跌跣日食不退病爲身禍無註

易林卷第三

吳越王元

吳越王元

吳越王元

吳越王元

吳越王元

吳越王元

吳越王元

吳越王元

吳越王元

吳越王元

吳越王元

吳越王元

吳越王元

易林卷第四

三三乾上離下同人

密橐山顛銷鋒鑄刃示不復用天下大勸

史武王勝殷戢弭干戈以示弗用

之乾

一臂六手不便於口莫肯與用利棄我走

未詳

坤

獐鹿逐牧飽歸其居安寧無悔

無註

屯

鴻魚逆流至人潛渚蒿蓬代柱大屋顛倒

無註

蒙

三殺五牂相隨俱行迷入空澤經涉六駮為所傷

賊

無註

需

黃帝出遊駕龍乘馬東上太山南過齊魯邦國咸

喜

黃帝邑於涿鹿之阿遷徙無常以兵師為營衛
後得六相而天地治神明至遠夷之國莫不入
貢

訟

履危不安心欲東西步走逐鹿空無所得

無註

師

望尚阿衡太宰周公藩屏湯武立為侯王

望太公呂尚也阿衡伊尹也太宰官名周公為

太宰

比

白龍黑虎起伏俱怒戰於阪兆蚩尤走敗死於魯

首

正義曰河圖龍魚云黃帝攝政有蚩尤兄弟八

十一人獸身人語銅鐵額能作大霧食沙造五

兵威震天下誅殺無道萬民欽命黃帝行以仁

義不能禁止乃仰天而歎天遣玄女下授黃帝

兵符與蚩尤戰於涿鹿之野遂禽殺之魯首未

詳

小畜

載石上山步跌不前嘖眉之憂不得所歡

無註

履

周德既成杼軸不傾申酉跌暮耄老衰去箴石不

祐

無註

泰

乘雲帶雨與飛鳥俱動舉千里見我慈母

無註

否

齋貝贖狸不聽我辭繫我虎鬚牽不得來

無註

大有

三翼飛來是我逢時俱行先至多得大利

未詳

謙

兩足四翼飛入家國寧我伯子與母相得

無註

豫

按民呼池玉杯文案魚如白雲一國獲願

易

林卷四

一一中華書局聚

紂為酒池玉杯象筋以侈周武王伐之有白魚
入舟之兆

隨

季姬踟躕望我城隅終日至暮不見齊侯君上無
憂

按詩靜女篇靜女其姝俟我於城隅愛而不見
搔首踟躕

盪

龍渴求飲黑雲影從河伯奉觴跪進酒漿流潦滂
滂

河伯水神也

臨

出門逢患與福為怨更相擊刺傷我手端

無註

觀

播天舞地神明所守安樂無咎

無註

噬嗑

兩金相擊勇氣鈞敵終日大戰不破不缺

無註

賁

車雖駕兩紉絕馬奔出雙輪脫行不至道遇害

無註

剝

文山紫芝雍梁朱草長生和氣玉以為寶公尸侑
食福祿來處

芝草論芝生於土土氣和則芝草生瑞命論王
者慈仁則有芝草生矣 朱草王者德無所不
通則生

復

把珠入口為我畜寶得吾所有忻然嘉喜

無註

无妄

負牛上山力劣行難烈風雨雪遮遏我前中道復
還憂者得歡

無註

大畜

陶朱白珪善賈息資三致千金德施上人

陶朱即范蠡白珪名丹周人史言能薄飲食忍
嗜欲二人皆善賈貨生息資財以致巨富

易

林 卷四

三一中華書局聚

頤

子鉏執麟春秋作元陰聖將終尼父悲心

左傳哀公十四年春西狩於大野叔孫氏之車

子鉏商獲麟孔子作春秋

大過

春日載陽福履齊長四時不忒與樂為倡

無註

坎

孔德如玉出於幽谷飛上喬木鼓其羽翼大光照

國

鼓未詳必有誤

離

區脫康居慕仁入朝湛露之歡三爵畢恩復歸窮

廬以安其居

區脫與甌脫同土室也胡人候望處出匈奴傳

康居國名湛露天子燕諸侯之詩

咸

秋冬夜行照覽星辰道理利通終身何患

無註

恆

鳴鶴抱子見虵何咎室家俱在不失其所

無註

遯

安和太山福祿屢臻雖有豺虎不能危身

無註

大壯

老目瞢眠不知東西君失理命以直為偃王珍其

寶

無註

晉

植璧秉珪請命于河周公剋敏冲人瘳愈

初成王少時病周公乃自揃其蚤沈之河以祝

於神曰王少未有識奸神命者乃日也王病有

瘳見史註

明夷

太王執政歲熟民富國家豐有主者有喜

太王遷于岐山之下及他旁國聞其賢亦多歸

之

家人

爭訟相背和氣不處陰陽俱否穀風無子

易

林卷四

四一中華書局聚

穀當作谷谷風刺夫婦失道也

睽

齊魯爭言戰於龍門構怨結禍三世不安

無春秋魯成公二年春齊侯伐我北鄙圍龍頤
公之嬖人盧蒲就魁門焉龍人囚之齊侯親鼓
三日取龍

蹇

鹿得美草鳴呼其友九族和穆不離邦域

詩小雅鹿鳴篇呦呦鹿鳴食野之苹我有嘉賓
鼓瑟吹笙

解

百里南行雖徵復明去虞適秦為穆國卿

百里奚虞人也知虞之將亡遂去適秦相穆公
遂霸西戎

損

梅李冬實國多寇賊亂擾並作王不能制

春秋魯僖公二十三年冬隕霜不殺草李梅實
公羊傳曰紀異也此祿去公室政在公子遂之
應

益

府藏之富王以振貸捕魚河海苟罔多得巨蛇大
輶戰於國郊君遂走逃

無註

夫

杜飛門啓患憂大解去老乘馬不為身禍

去老乘馬一作修福行善見需之兌

姤

宜昌娶婦東家歌舞長樂歡喜

無註

萃

正陽之央甲氏以亡禍及留吁湮滅為墟

按春秋魯宣公十六年春正月晉人滅赤狄甲

氏及留吁傳云甲氏潞之遺種留吁其殘邑也

升

鳥過稻廬甘樂麩雖驅不去田峻懷憂

麩古猛切鱒自秋切田峻農官也

困

跛踣俱行日暮車傷失旅乏糧

無註

井

易

林 卷四

五 中華書局聚

龍門水穴流行不害民安其土君臣相保

按書禹貢龍門屬雍州在今馮翊夏陽縣以下
皆言禹治水之功

革

山陵四塞遏我徑路欲前不得復還故處

書堯典蕩蕩懷山襄陵

鼎

兩虎爭鬪血流漂杵城郭空墟蒿藜塞道

書武成篇血流漂杵

震

依叔牆隅志下心勞楚亭晨食韓子低頭

淮陰人韓信家貧嘗寄食於南昌亭長并受辱

於袴下詳見本傳

艮

龍生無常或託空葉憑乘風雲為堯立功

葉當作桑未詳

漸

魁行搖尾逐雲吹火汙泥為陸下田為稷

魁斗首四星天文凡為首者曰魁

歸妹

跛踣相隨日暮牛罷陵遲後旅失利亡雌

無註

豐

三人俱行北求大牂長孟病足請季負囊柳下之

寶不失驪黃

無註

旅

鳳凰在左麒麟處右仁聖相遇伊呂集聚傷害不

至時無殃咎福為我母

鳳凰靈鳥麒麟仁獸伊尹相湯呂望與周

巽

乘筏渡海雖深不殆曾孫皇祖累累具在

無註

兌

比目四翼來安吾國賈福上堂與我同床

無註

渙

娶於姜呂駕迎新婦少齊在門夫子悅喜

姜呂齊姓按春秋傳齊女少姜歸于晉有寵於

晉侯晉侯謂之少齊

節

螟蟲為賊害我稼穡盡禾單麥秋無所得

螟蟲食苗心者也

中孚

衣裳顛倒為王來呼成就東周邦國大休

詩東方未明顛倒裳衣自公召之

小過

王孫季子相與為友明允駕誠升擢慶舉 駕當

作篤

史記高陽氏有才子八人謂之八愷高辛氏有

才子八人謂之八元堯未及舉舜於是舉八愷

使主后土舉八元使布五教

既濟

踊泉滑滑流行不絕汙為江海敗毀邑里家無所

處聞虎不懼向我笑喜

無註

未濟

桑戶竊脂啄粟不宜亂政無常使心孔明

桑戶為名竊脂即桑扈也

三三離上乾下大有

白虎張牙征伐東來朱雀前驅讚道說辭敵人請
服銜璧前趨

無註

之乾

南山大行困於空桑老沙爲石牛馬無糧

無註

坤

蟠枝失岐與母別離絕不相知

無註

屯

譚譚所言莫知我恆驩樂堅固可以長安

無註

蒙

李梅零墜心思憤憤懷憂少愧亂我魂氣

無註

需

火雖熾在吾後寇雖多在吾右身安吉不危殆

無註

訟

虎臥山隅鹿過後胸弓矢設張狷爲功曹伏不敢

易

林卷四

七中華書局聚

起逐至平野得我美草

史記龜策傳郭璞註云蝟能制虎

師

三火起明兩滅其光高位疾巔驕恣誅傷

無註

比

匹君楚馬遇讒無辜久旅離憂

晉公子重耳遇驪姬之讒在外十九年而後反

國

小畜

一室百子同公異母以義防患福蓄不起

無註

履

商人行旅資所無有貪貝利珠留連王市還旋內

顧公子何咎

無註

泰

禹將為君北入崑崙稍進揚光登入温湯代舜為

治功德昭明

禹治水有功舜以天下禪焉

否

乾行天德覆幬無極嘔呼烹熟使各自得

易乾卦飛龍在天乃位乎天德

同人

南國盛茂黍稷醴酒可以享老樂以嘉友

無註

謙

方船備水旁河然火終身無禍

無註

豫

雷行相逐無有休息戰于平陸為夷所覆

未詳

隨

躑躅踟躕拊心搔頭五晝四夜睹我齊侯

未詳

蠱

大口宣唇神使伸言黃龍景星出應侯門與福上

堂天下安昌

禹渡江黃龍負舟景星一名德星

臨

易

林卷四

八中華書局聚

陰衰老極陽建其德離陽載光天下昭明

無註

觀

三塗五嶽陽城太室神明所伏獨無兵革

二塗山名在河南伊闕縣陽城山谷名在嵩山

下太室山名

噬嗑

年豐歲熟政仁民樂利以居止旅人獲福

無註

賁

楚鳥逢天不時久放離居無羣意味精喪作此哀

詩以告孔憂

無註

剝

出門大步與凶惡忤罵公詈母為我憂恥

無註

復

火至井谷陽芒生角犯歷天戶闕觀太微登上玉

床家易六公

天文太微為五帝之庭明堂之房

无妄

牧羊逢狼雖憂不傷畏怖既息終無禍殃

無註

大畜

蠶粟犧牲敬奉貴神享者飲食受福多孫望季不來孔聖厄陳

頤

按內則祭天地之牛角蠶粟又云祭天地宗廟曰犧卜得吉日牲語云孔子嘗厄於陳蔡之間

大蓋治床南歸殺羊長伯為我多得牛馬利於徙居

無註

大過

枯樹無枝與子分離飢寒莫養獨立哀悲

無註

坎

天地九重堯舜履中正冠垂裳宇宙平康

堯唐帝名舜虞帝名易曰堯舜垂衣裳而天下

治

離

易

林卷四

九一中華書局聚

鳧鷖遊淫君子以寧履德不愆福祿來成

詩鳧鷖守成也太平之君子能持盈守成神祇

祖考安樂之也曰鳧鷖在涇公尸燕飲福祿來

成淫當作涇

咸

羸禮逐狐為人觀笑牝雞雄晨主作亂根

書曰牝雞無晨牝雞司晨為家之索

恆

典策法書藏在蘭臺雖遭亂潰獨不遇留

漢官儀御史臺內掌蘭臺祕書

遯

三癡俱狂欲之平鄉迷惑失道不知昏明

無註

大壯

癭瘤瘍疥為身瘡害疾病癰痢常不屬逮

無註

晉

三豕俱走鬪於虎口白豕不勝死於阪下

無註

明夷

賴先之光受德之佑雖遭顛沛獨不凶咎
語註云顛沛傾覆流離之際

家人

上義崇德以建大福明哲且聰周武立功

周書武成篇惇信明義崇德報功垂拱而天下

治

睽

四亂不安東西為患身止無功不出國城乃得全

完賴其生福

無註

蹇

金牙鐵齒西王母子無有患殆減害道利

無註

解

賀喜從福曰利蕃息懽樂有得

無註

損

昊天白日照臨我國萬民康寧咸賴嘉福

無註

益

易

林卷四

十一中華書局聚

左眇右盲視闇不明下民多孽君失其常

無註

夫

吾家黍梁積委道傍有囊服箱運到我鄉藏於嘉

倉

無註

姤

殊類異路心不相慕牝猿無猥猥無室家

猿丑延切猥音加猥即鰥字

萃

雀行求食出門見鷄顛蹙上下幾無所處

蹙音厥

升

野有種庚稽人駕取不逢虎狼暮歸其宇

無註

困

膚敏之德發憤忘食虎豹禽說為王求福

史記韓信虜魏王豹又引兵擊趙禽夏說虎當

作虜

井

光祀春成陳項雞鳴陽明失道不能自守

按秦紀索隱註曰漢書郊祀志云文公獲若石云于陳倉北坂城祠之其神來若雄雉其聲殷殷云野雞夜鳴以牢祠之號曰陳寶又臣瓚云陳倉縣有寶夫人祠歲與葉君神會祭于此者也

革

左抱金玉右得熊足常盈不忘獲心所欲

熊足即熊掌味之美者

鼎

履泥汙足名困身辱兩仇相得身為痛瘡

無註

震

安居重遷不去其亶未來相聞樂得常產

耿都為河水所圮盤庚欲遷於殷而大家世族安土重遷盤庚誕告用亶其有衆曰往哉生生永建乃家

艮

天災所遊凶不可居轉徙獲福留止危憂

無註

易

林卷四

十二中華書局聚

漸

昧昧墨墨不知白黑景雲亂擾光明隱伏犬戎來
攻幽主失國

按史記周幽王黜申后廢太子宜臼申侯與鄆
人召犬戎伐王犬戎遂殺王於驪山下

歸妹

鳧鴈啞啞以水為宅雌雄相和心志娛樂得其所
欲

無註

豐

長生無極子孫千億柏柱載器堅固不傾

無註

旅

麒麟鳳凰善政得祥陰陽和調國無災殃

麒麟仁獸鳳凰靈鳥太平之世見

巽

天之奧隅堯舜所居可以存身保我室家

堯舜唐虞二帝也

兌

配合相迎利之四鄰昏以為期與福笑喜

無註

渙

砥德礪材果當成周拜受大命封為齊侯

太公辟紂居東海之濱聞文王作而歸之其後
武王伐紂有天下遂封為齊侯

節

與福俱坐畜水備火思患豫防終無殃禍

無註

中孚

畏昏潛處候明昭昭卒遭白日為世榮主

無註

小過

視曰載光與天相望長生懽悅以福為多

曰當作日

既濟

大頭明目載受嘉福二雀飛來與祿相單

無註

未濟

梗生荆山命載輪班袍衣剝脫夏熱冬寒立餓枯

槁衆人莫憐

易

林卷四

十一中華書局聚

荆山多產異材班公輸子魯班也

三三三坤上艮下謙

王喬無病苟頭不痛亡破失履乏我送從

王喬古仙人名苟頭不痛未詳

之乾

喋囁處曜昧冥相待多言少實終無成事

無註

坤

北辰紫宮衣冠立中含和建德常受大福鉛刀攻

玉堅不可得

北辰北極天之樞也紫宮為皇極之宮見漢天

文志

屯

東壁餘光數闇不明主母妬嫉亂我事業

東壁星名

蒙

下背其上盜明相讓嬰子兩頭陳破其虛

未詳

需

鳳生會稽稍巨飛翔翱翔往來為眾鳥雄

鳳靈鳥會稽山名

訟

鑿井求玉非卞氏室名困身辱勞無所得

室當作寶

師

邦桀載役道至東萊百僚具舉君王嘉喜

詩衛風伯兮之篇曰邦之桀兮又曰自伯之東

註云婦人以夫久從征役而作是詩也文王之

遣戍卒周公之勞歸士故其民悅而忘死焉

比

安息康居異國同廬非吾邦域使伯憂惑

安息康居皆外國名

小畜

江河淮海天之都市商人受福國家富有

無註

履

同本異葉樂仁上德東鄰慕義來興吾國

無註

泰

白鶴銜珠夜食為明懷吾德音身受光榮

易

搜神記云有鶴為弋人所射窮而歸噲參參收
養療治瘡愈而放之後鶴夜到門外參執燭視
之鶴雌雄雙至各銜明珠以報參焉

否

踐履危難脫厄去患入福喜門見吾邦君

無註

同人

宮商既和聲音相隨驪駒在門主君以歡

無註

大有

天地配享六位光明陰陽順序以成厥功

天地即乾坤二卦六位震巽坎離艮兌

豫

江河淮海天之奧府衆利所聚可以饒有樂我君

子

無註

隨

雙鳥俱飛欲歸稻池經涉濯澤為矢所射傷我胸

臆

無註

蠱

留仲叔季日暮寢寐羸臥失限虐我具囊銜却道
傍

無註

臨

受終文祖承衰復起以義自閉雖苦無咎

虞書云舜受終于文祖按舜黃帝八代孫父頑
母嚚象傲堯舉於側陋

觀

据斗運樞順天無憂與樂並居

斗北斗星名樞北極天之樞也

噬嗑

周師伐紂戰於牧野甲子平日天下悅喜

武王伐紂甲子昧爽王朝至于商郊與紂戰於
牧野勝殷殺受大賚于四海萬姓悅服

賁

十雌伯雛常與母俱抱雞搏虎誰敢害諸

無註

剝

桀跖並處人民愁苦擁兵荷糧戰於齊魯

易

林卷四

西一中華書局聚

桀夏桀跖盜跖

珍做宋版印

復

南山昊天刺政閔身疾悲無辜背憎為仇

詩小雅節南山云節彼南山又曰不弔昊天又曰昊天不平此詩家父所作刺周王用尹氏為太師秉國之均不能毗輔天子用威虐政以召禍亂民所憎惡甚於仇讎也

无妄

百川朝海流行不止道雖遼遠無不到者

無註

大畜

目不可合憂來搖足怵惕為懼去我邦域

無註

頤

鳥升鵠舉照臨東海厖降庭堅為陶叔後封於英

六履福為厚

高陽氏才子八人厖降庭堅其二子也庭堅即

臯陶字英六春秋時一小國見春秋魯文公十

八年

大過

北方多棗橘柚所聚荷囊載黍盈我筐筥

無註

坎

懸恒素飡食非其任失望遠民實勞我心

詩伐檀篇云胡瞻爾庭有懸貍兮彼君子兮不

素餐兮貍貉類

離

羔羊皮革君子朝服輔政扶德以合萬國

詩羔羊之皮素絲五純羔羊之革素絲五緘言

南國化文王之德在位皆節儉正直故詩人美

其衣服有常也

咸

齊魯爭言戰於龍門構怨致禍三世不安

按春秋魯成公二年春齊侯伐我北鄙圍龍頤

公之嬖人盧蒲就魁門焉龍人囚之齊侯親鼓

三日取龍

恆

久陰霖雨塗行泥潦商人休止市無所有

無註

遯

易

林卷四

五中華書局聚

桃雀竊脂巢於小枝搖動不安為風所吹寒心慄慄常憂殆危

桃雀即桃蟲詩曰肇允彼桃蟲註云鷦鷯也竊脂桑扈也

大壯

防患備災凶惡不來雖困無憂未獲安休

無註

晉

引順絕糧與母異門不見所權孰與共言

無註

明夷

鰭鰕去海藏於枯里街巷褊隘不得自在南北極遠渴餒成疾

無註

家人

恭寬信敏功加四海辟去不祥喜來從母

語云子張問仁於孔子孔子曰能行五者於天下為仁矣請問之曰恭寬信敏惠恭則不侮寬

則得衆信則人任焉敏則有功

睽

歲飢無年虐政害民乾谿驪山秦楚結怨

昭公十三年楚靈王被弑于乾谿史記秦始皇

造作驪山

蹇

右目無瞳偏視寡明十步之外不知何公

無註

解

蝮蟾歡喜草木嘉茂百菓蕃熾日益多有

詩豳風七月篇五月鳴蜩蜩蟬也宋曰蟪蛄鄭

曰蜩蛄

損

當得自如安坐無尤華入貴鄉到老安榮

無註

益

狡兔躍躍良犬逐咋雄雉受害為鷹所獲

無註

夬

春桃生華季女宜家受福多年男為封君

詩周南桃夭篇言后妃之德也桃之夭夭灼灼

其華之子于歸宜其室家

易

林卷四

六一中華書局聚

姤

山石朽弊稍崩墮落上下離心君受其崇

無註

萃

水壞我里東流為海龜鳧謹囂不睹我家

無註

升

七竅龍身造易八元法天則地順時施恩富貴長

存

聖人心有七竅伏犧蛇身人首遇河中龍馬負

圖則而書之以畫八卦

困

四夷慕德來興我國文君陟降同受福德

詩大雅文王之詩曰文王陟降在帝左右

井

華首山頭仙道所遊利以居止長無咎憂

太華首陽之山也

革

鷓鴣徙巢西至平州遭逢雷電闢我葦廬室家飢

寒思吾故初

無註

鼎

狗無前足陰謀叛背為身害賊

未詳

震

陽孤亢極多所恨惑車傾蓋亡身常驚惶乃得其願雌雄相從

陽孤亢極易乾卦上九亢龍有悔

艮

空槽注猪豚彘不到張弓祝雞雄父飛去

無註

漸

長夜短日陰為陽賊萬物空枯藏於北陸

書曰日短星昴以正仲冬又春秋左傳日在北陸而藏冰

歸妹

爪牙之士怨毒祈父轉憂與己傷不及母

詩小雅祈父篇云祈父子王之爪牙胡轉予于恤有母之尸饗

豐

易

林卷四

七中華書局聚

拜跪請免不得梟腐挽眉銜指低頭北去
無註

旅

有莘季女為夏妃后貴夫壽子母字四海

按本紀繇取有莘氏女謂之女志是生高密宋
衷云高密禹所封之國

翼

季姬踟躕待孟城隅終日至暮不見齊侯

按詩靜女篇靜女其姝俟我於城隅愛而不見
搔首踟躕

兌

邯鄲反言父兄生患涉叔援殂一死不還

涉叔即陳涉涉嘗令陳人武臣徇趙地武臣到
邯鄲自立為趙涉怒捕繫武臣家室後因柱國
之諫遂立武臣為趙王武臣終於背涉竟死於
莊賈之難出陳涉傳

渙

逐鹿山顛利去我西維邪南北利無不得

無註

節

虎豹熊羆遊戲山谷君子仁賢皆得所欲

無註

中孚

穿鼻繫株為虎所拘王母祝榴禍不成災突然自來

無註

小過

梅李冬實國多賊盜擾亂並作王不能制

春秋魯僖公三十三年冬隕霜不殺草李梅實

公羊傳曰紀異也此祿去公室政在公子遂之

應

既濟

望幸不刊文章未就王子逐兔犬踣不得

無註

未濟

千柱百梁終不傾僵仁智輔聖周宗寧康

周大封同姓以為藩屏子孫安寧享祀八百

三三三坤下震上豫

冰將泮散鳴鴈囉囉丁男長女可以會同生育聖

人

易

林卷四

六中華書局聚

按詩匏有苦葉篇雝雝鳴雁旭日始旦士如歸妻迨冰未泮

之乾

龍馬上山絕無水泉喉焦唇乾口不能言

無註

坤

蔡侯朝楚留連江濱踰時歷月思其后君

魯定公三年冬蔡昭侯適楚獻佩裘於昭王昭

王服之以享蔡侯蔡侯亦服其一子常欲之弗

與三年止之

屯

文厄姜里湯拘夏臺仁聖不害數困何憂免於縲

索為世雄侯

文王囚於姜里成湯拘於夏臺

蒙

典策法書藏在蘭臺雖遭亂潰獨不遇災

漢官儀御史臺內掌蘭臺秘書

需

旃裘羶國文禮不飭跨馬控弦伐我都邑

無註

訟

星隕如雨弓弱無輔強陽制陰不得安土

春秋莊公七年夏四月辛卯夜恆星不見夜中

星隕如雨穀梁傳註云星既隕而復雨也

師

蝗齧我稻驅不可去實穗無有但見空藁

無註

比

虎飢欲食為蝟而伏禹導龍門辟咎除患元醜以

安

史記龜策傳郭璞註云蝟能制虎書禹貢龍門

屬雍州在今馮翊夏陽縣禹治水導之

小畜

蝙蝠夜藏不敢晝行酒為酸漿魴鳧鮑羹

無註

履

精華墮落形體醜惡齧齩挫頓枯槁腐蠹

無註

泰

兩足不獲難以遠行疾步不能後旅失時

易

林卷四

九一中華書局聚

無註

否

令妻壽母宜家無咎君子之歡得以長久

無註

同人

蠶飢作室昏多亂纏緒不可得

無註

大有

子鋤執麟春秋作元陰聖將終尼父悲心

左傳哀公十四年春西狩於大野叔孫氏之車

子鉏商獲麟孔子作春秋

謙

螟蟲為賊害我稼穡禾單麥盡秋無所得

螟蟲類似蠶吐絲食禾心者

隨

憂在腹內山崩為疾禍起蕭牆竟制其國

語曰季氏將伐顓臾季氏魯大夫顓臾國名魯

附庸也孔子曰吾恐季孫之憂不在顓臾而在

蕭牆之內也

蠱

茹芝餌黃飲食玉瑛與神流通長無憂凶

無註

臨

一夫兩心枝刺不深所為無功求事不成

枝章移切

觀

十里望烟散渙四分形容滅亡終不見君 一本

云 膠車木馬不利遠駕出門有害安止得全

無註

噬嗑

張弓廓弩經涉山道雖有伏虎誰敢害諸

無註

賁

泉閉澤竭王母飢渴君子困窮乃徐有說

無註

剝

野鳶山鵲奕棋六博三梟四散主人勝客

六博三梟皆古局戲名

復

羊驚馬走上下揮擾鼓音不絕頃公奔敗

易

林 卷四

三 中華書局聚

春秋魯成公二年衛孫桓子魯臧宣叔晉卻克與齊頃公戰晉人援桴而鼓馬逸不能止師從之頃公敗績

无妄

黃帝神明八子聖聰俱受大福天下康平

高陽氏有才子八人天下謂之八愷

大畜

住車醞酒疾風暴起泛亂福器飛揚位草明神降祿道無害寇

無註

頤

滕蛇乘龍宋鄭飢凶民食草蓬

春秋魯襄公二十八年梓慎曰蛇乘龍龍宋鄭之星也宋鄭必飢

大過

揚水潛鑿使石潔白裏素表朱遨遊臯澤得君所願心志娛樂

詩揚之水刺晉昭公也昭公分國以封沃沃盛

強曰揚之水白石鑿鑿素衣朱褱從子于沃既

見君子云胡不樂

坎

西過虎廬驚其前樞雖憂無尤

無註

離

衣成無袖不知所穿客指東西未得便安

無註

咸

晨風文翰隨時就温雄雌相和不憂危殆

詩晨風篇云歎彼晨風鬱彼北林未見君子憂

心欽欽註曰婦人憂其君子而以晨風自興也

恆

心多恨悔出言為怪梟鳴于北聲醜可惡請謁不

得

鴟梟惡鳥也

遯

離女去夫閔思苦憂齊子無良使我心愁

詩南山篇魯道有蕩齊子由歸

大壯

過時不歸雌雄苦悲徘徊外國與叔分離

無註

易

林卷四

三中華書局聚

晉

鵲巢柳樹鳩集其處任力薄德天命不祐

詩召南鵲巢篇云維鵲有巢維鳩居之

明夷

鶴盜我珠逃於東都懷怒追求郭氏之墟不見蹤

跡使伯心憂

未詳

家人

夫婦相背和氣弗處陰陽俱否莊姜無子

按詩綠衣篇註云衛莊公惑於嬖妾夫人莊姜

賢而失位故作此詩

睽

日走月步逃不同舍夫妻反目主君失位

易小畜卦輿脫輹夫妻反目

蹇

維陽嫁女善逐人走二寡失夫婦妬無子

未詳

解

周德既成杼軸不傾太宰東西夏國康寧

此言周家之德周公之職也

損

日中為市交易資寶各利所有心悅以喜

易繫辭云日中為市致天下之民聚天下之貨交易而退各得其所蓋取諸噬嗑

益

童妾獨宿長女未室利無所得

無註

夬

忠言輔成王政不傾公劉北基文武綏之

言周召輔成王及公劉文武之德

姤

牛驥同堂郭氏以亡國破為虛主君奔逃

按胡傳莊公二十四年齊桓公問郭父老曰郭何以亡父老曰見善而不能舉惡而不能去

所以亡

萃

中原有菽以待雉食飲御諸友所求大得

詩小宛篇中原有菽庶民采之

升

多虛少實語不可覆樽虛無酒飛言如雨

易

林卷四

三一中華書局聚

無註

困

青蠅集蕃君子信讒害賢傷忠患生婦人

詩青蠅刺幽王也營營青蠅止于棘讒人罔極

交亂四國

井

履株覆輿馬驚傷車步為我憂

無註

革

商風召寇呼我北盜間謀內應與我爭鬪殫己寶

藏主人不勝

春秋秦穆公聽杞子謀伐鄭遂敗

鼎

逸豫好遊不安其家惑於少姬久迷不來

未詳

震

吾有驕驢畜之以時東家翁孺來請我駒價極可

與後無賤悔

無註

艮

阨窮上通與堯相逢登升大麓國無凶人
堯舉舜於側微而納之大麓

漸

衆兔俱走熊羆在後躋不能進失信寡處

無註

歸妹

旁行不遠三思復反心多畏惡中日止舍

無註

豐

倉唐奉使中山以孝文侯悅喜擊子徵召

魏文侯封太子擊於中山三年不問舍人趙倉

唐入見文侯悅之遂召還國

旅

入天門守地戶居安樂不勞苦一說文山蹲鴟肥

脂多脂王孫獲願載福巍巍

食貨志岷山之下沃野有蹲鴟卽蘋也

巽

登堦上堂見吾父兄左酒右漿與福相迎

無註

兌

易

秋蛇向穴不失其節夫人姜氏自齊復入

按春秋魯桓公夫人姜有邪行復歸于齊故

言秋蛇猶知向穴而不失其節文姜不守理而

復歸于齊也

渙

忍醜少羞無面有頭滅耗寡虛日以削銷

未詳

節

景星炤堂麟鳳遊翔仁施大行頌聲以興

物理論景星者星之精也王者不私人以官使

賢者在位則見麟仁獸鳳靈鳥世治則見也

中孚

竿旄旌旗執幟在郊雖有寶珠無路致之

衛詩于旄篇云于于旄在浚之郊小序云美

好善也

小過

李華再實鴻卵降集仁德以興陰國受福

無註

既濟

白馬赤烏戰於東都天輔有德敗悔為憂

詩曰有客有客亦白其馬蓋白馬殷人所尚
史記武王渡河有火流爲烏蓋興周之祥也東
都指牧野朝歌而言

未濟

採薪得麟大命隕顛豪雄爭名天下四分

無註

易林卷第四